

THE CHINESE-JAPANESE LIBRARY  
OF THE HARVARD-YENCHING INSTITUTE  
AT HARVARD UNIVERSITY

T 1786/7582.12  
MAR 1 1954

9

關  
甲  
子  
志  
心  
之  
三  
三  
王  
卷  
三  
王  
一

CM 0 1 2 3 4 5 6 7 8 9 10 11 12 13 14 15 16 17

Lab D50 2° 95/0/2

81/0/0

66/0/0

51/0/1

35/0/0

20/0/0

29/19/-54

55/-39/33

42/57/29

82/4/79

51/50/-13

50/-28/-29

38/14/16

66/16/18

50/-5/-22

43/-14/21

55/-9/-25

71/-32/0

62/34/60

40/9/-43

52/48/17

31/21/-21

72/-23/57

73/19/68

太子太傅襲封衍聖公臣孔胤植謹

奏爲懇乞天恩炤例觀禮以符舊

哈佛大學哈佛葉宗  
圖書館珍藏印

制以廣

皇恩益隆

聖學事臣於本年七月初五日有行司行人魯近

暹齋捧禮部咨文爲遵奉

聖諭事內稱奉

聖旨聖廟繕修已有旨了釋奠日期該確察速議

具奏儀註仍詳加議擬遵旨進覽衍聖博士

應陪祀者炤例行取赴京其四氏族人免行

取欽此欽遵隨該臣率領博士併族人等恭設香案望闕叩頭謝

恩訖竊臣一介草茅兩荷

欽召即擬束裝就道匍匐前進豈敢復有所

請第臣察得嘉靖十二年蒙

世宗皇帝重幸太學

欽召臣會祖孔聞詔等併族人孔譚等五人顏孟各二人赴京觀禮臣讀之不勝慶幸不勝扼腕臣慶幸者臣何幸而疊逢

盛典臣扼腕者扼腕臣自叨榮而族人不能與焉然臣世受

國恩凡遇

幸學大典例有觀禮何昔叨臣不獲升臣為刺懇恩而今獨異臣展轉思維臣心固萬不自安亦何臣以慰

先聖之靈臣仰觀我臣奏

皇上敬

天法

祖量此觀禮一典亦不肯獨斬臣族數人耳臣今

選得學行兼優生員孔興訓孔弘化孔貞恒  
孔貞來四名臣又慮及驛遞疲苦不敢騷擾  
令其各捐已資策蹇隨臣赴京臣敬遵  
明旨未敢擅便謹此披瀝奏

聞伏乞

皇上察炤嘉靖十二年之例容臣所不自安亦何  
請准入班行其四氏族人臣不敢代為陳懇恐  
賣

宸嚴庶舊

制符而

皇恩溥益昭聖德金王及之舉滿在禮外亦恐人前  
聖學之光臣等惟有世世仰沐餘榮矣為此具本  
皇上專差奏差陳永安齋捧謹具奏

聞

崇禎十四年七月二十四日具奏二十八日

奉大奉

聖旨該部察奏

禮部為禮儀事儀制清吏司案呈奉本部送  
禮科抄出太子太傅襲封衍聖公孔胤植奏

前事云云等因奉 聖旨該部察奏

聖旨禮部察奏欽此欽遵抄出到部送司案呈到  
部該臣等看得釋奠之禮

累朝僅一舉行嘉靖十二年以  
先師祀典既正再

幸太學又該本部題

准欽取衍聖公及四氏博士併及老誠族人稱盛  
事矣

皇上法祖崇儒定爲三年一舉凡爲

先聖之裔者誰不思覲  
日月之光冀聆金玉之響而臣部於老誠族人請

免行取者非獨爲馴逝之應付維艱高年之

跋涉可念夫亦以

聖謨不顯望

恩者多旣

欽召之榮四氏旣已均沾族人似難頻及耳今孔

興訓等四名促裝而至無煩郵傳之供且往  
例可循宜脩觀禮之列因其來而與進度亦

聖衷之所不靳也院徑衍聖公具奏相應如其所  
請以廣

皇仁而光

大典但思自

上裁臣等未敢擅便恭候

命下遵奉施行

八月十七日奉

聖旨孔興訓等四名准炤例觀禮

太子太傅襲封衍聖公孔爲懇恩咨部炤例承襲以便陪祀以光

大典事據已故五經博士曾弘毅長子曾聞達呈稱前事竊炤達父子去年十一月赴京慶賀萬壽聖節事竣回籍因奔馳勞瘁遂感寒疾卧床

數月忽於十四年四月初四日病故聞達係嫡長子例應承襲舊例先襲職而後守制今

蒙

聖恩欽取陪祀理合具呈披瀝下情伏乞速賜轉

咨

吏部卽爲題

請承襲庶陪祀不致乏人而於

臨雍大典亦有光矣等情到府據此爲炤該本府

察得世襲翰林院五經博士曾弘毅因趨

賀染病數月身亡應該嫡子曾聞達承襲以奉祀

事舊例先襲職而後守制第今

皇上臨雍在邇例取顏曾思孟五博士陪祀然聞

達未經襲替何敢與此

太典所當亟於咨部

題授刻不容緩者也合無移咨

貴部煩為速行驗封司察炤舊例即賜題授

毋致臨期愴惶庶四賢之齋濟濟班行而於

臨雍之典不致有欽人之慮湏至咨者

崇禎十四年八月初一日

禮部署部事左侍郎兼翰林院侍讀學士王

錫袞謹

題為禮儀事炤得崇禎十四年八月十八日恭

皇上躬臨太學行釋奠禮於

先師廟所有四配十哲兩廡該用分奠大臣官

員除註籍及有服不開外謹將各衙門送到

職名開坐上

請伏乞

欽點八員至期行禮

大學士張四知 衍聖公孔胤植

大學士謝 陞 陳 演

吏部李日宣 兵部陳新甲 刑部劉澤深 都察院王道直

刑部劉澤深 都察院王道直

奏

聖旨着點了的八員分奠

陪 黃景昉 宋之普 房可壯 宋日攻

朱兆栢 丘 瑜 孫從度 朱統錦

崇禎十四年八月初八日

禮部儀制清吏司為禮儀事案察天啟五年

三月初六日

熹宗皇帝臨雍視學先該 內閣傳奉

聖諭分獻陪祀各官從人分獻官每員二人餘各

一人俱開寫姓名仍給年貌懸牌以便查炤

如不係開進姓名及給牌員役不許一人擅

進欽此欽遵在卷今炤崇禎十四年八月十

八日

皇上視學所有分奠陪祀官隨從人役年貌姓名

相應察取以憑給牌為此合用手本前去



衍聖府煩爲察炤并行五經博士卽將隨從人役年貌姓名炤數開送施行須至手本者  
崇禎十四年八月初八日郎中黃太玄

太子太傅襲封衍聖公府爲禮儀事准禮部儀制清吏司手本前事案察天啟五年

三月初六日

熹宗皇帝臨雍視學先該內閣傳奉

聖諭分獻陪祀各官從人分獻官每員二人餘各一人俱開寫姓名仍給年貌懸牌以便察炤如不係開進姓名及給牌員役不許一人擅

進欽此欽遵在卷今炤崇禎十四年八月十

八日

皇上視學所有分奠陪祀官隨從人役年貌姓名相應察取以憑給牌等因到府准此隨行各博士取具各隨從人役年貌姓名見在合行會送爲此合用手本前去

貴司煩爲察炤施行須至手本者

計開

太子太傅襲封衍聖公孔

伴官二員

劉國棟年三十八歲身長面赤微鬚王春元年四十歲身中面赤微鬚

五經博士孔胤錫

從人一名

孟脉年三十歲身中面麻微鬚

五經博士顏紹緒

從人一名

劉澤遠年三十歲身中面赤微鬚

五經博士曾聞達

從人一名

龍旺秋年三十五歲身中面赤無鬚

五經博士孟聞玉

從人一名

武大峙年二十八歲身中面赤微鬚

崇禎十四年八月初九日

世襲翰林院五經博士臣孔胤錫等謹

奏為懇

恩比例炤例觀禮以溥

皇上一視同仁事臣等於本年七月初五日有行

人司行人魯近暹賫捧

禮部咨文為遵奉

聖諭事內稱奉

聖旨聖廟繕脩已有旨了釋奠日期該部還確察  
速議具奏儀注仍詳加議擬遵旨進覽衍聖  
博士應陪祀者炤例行取赴

京其四氏族人免行取欽此臣等恭設香案  
尾衍聖公之後望

闕叩頭謝

恩訖謹遵

明旨魚貫登程不敢稍緩第臣等察得嘉靖十二  
年蒙

世宗皇帝重幸太學

欽召衍聖公孔聞韶族人孔讎等五人顏曾孔孟  
各二人赴京觀禮隨該衍聖公孔胤植選得  
學行兼優生貢孔興訓等四名各捐已資隨  
帶赴京具有懇乞  
天恩炤例觀禮以符舊

制以廣

皇恩益隆

聖學事奉

聖旨該部察奏欽此臣等恭誦  
綸音不勝踴躍仰覩我不好其奉念

皇上仁如雨露無一物不被其澤念

先聖先賢一時叨祀而若子若孫例當同榮量  
皇上亦不肯獨

加恩於

先聖之裔而獨靳於先賢之後此臣等所以函  
於呼籲以仰體

皇上勤學之聖懷亦以慰先賢繼道之悃誠臣等  
亦選得品望端凝素履無玷者族人孔貞璘  
顏胤俊等四名俱各損已資隨臣等赴京爲

此披瀝陳懇伏祈

皇上大廣一視之仁察炤嘉靖十二年之例併符

聖公孔胤植近日之

請同列班行俾得炤例觀禮臣等惟有頂戴

皇上一視之宏仁於世世矣臣等曷勝惶悚戰慄

待

命之至

崇禎十四年八月初七日世襲翰林院五經

博士臣

孔胤錫  
顏紹緒

聖旨該部察例具奏

聖旨該部察例具奏

聖旨太子太傅襲封衍聖公府爲欽奉

聖諭事竊炤本年七月初五日有行人司行人魯

近暹賫捧

禮部劄付

欽取顏會思孟五經博士內顏紹紘新經病故見

今親弟顏紹緒繼襲見在咨部會弘毅亦經

病故見今長子會聞達替襲見在咨部孔尚

達病故已久見任孔胤錫係本年六月新襲

孟聞玉係見任誠恐差謬臨期不便合用手

本前去

貴司煩爲更正施行須至手本者

崇禎十四年七月二十四日

太子太傅襲封衍聖公府爲遵奉

聖諭事炤得本荷蒙

皇恩欽取陪祀於七月二十六日見

朝例有人夫八名皂隸八名在府應用合用移咨

貴部煩爲轉行順天府速撥施行須至咨者

崇禎十四年八月初五日

禮部精膳清吏司爲欽奉

上傳事奉本部送禮科抄出該本部題本司案呈

內府遞出

上傳衍聖公孔胤植五經博士孟聞玉欽取到京

着賜宴優待該衙門知道欽此欽遵遞出到部送司案呈到部該臣等察得衍聖公孔胤植五經博士孟聞玉之以

釋奠

先師

召也

皇上臨雍之次日例得同文武各官

賜宴于

皇極門崇禎二年正月恭遇

皇上臨雍臣部比例具題奉有孔胤植併四氏子

孫祭酒司業官炤例宴于禮部尚書何如寵

待其餘各官俱免宴之

旨是胤植等之蒙

恩賜宴皆在

釋奠後者也今奉

召進京欣蒙

上傳賜宴優待我

皇上之加恩 聖裔者真出異數爲曠古所未有

相應恪遵仍此

慶成宴內衍聖公與宴事例備辦上卓品物於本

月十三日設席于禮部待之其待宴官例應

臣部尚書今尚書臣林先奉

欽遣在外理合恭

請另

命一員仰襄

盛典伏乞

勅下臣等移會各該衙門一體遵奉施行臣草疏

甫畢本月初一日內府又遞出

上傳翰林院五經博士孔胤錫欽取到京著賜宴

優待該衙門知道欽此除奉到

上傳一道另疏進繳外胤錫相應屆期一同宴待

等因崇禎十四年八月初二日具題本月初

六日奉

聖旨孔胤植及孔胤錫孟聞玉欽取到京着於八

月十三日設宴于禮部侍郎王錫袞待欽此

欽遵抄部送司擬合就行爲此合用手本前

去

衍聖公孔處即便遵炤

明旨內事理是日赴宴施行須至手本者

崇禎十四年八月十一日郎中李芳聯

世襲翰林院五經博士孔胤錫等為懇

恩比例炤例觀禮以溥

皇上一視同仁事准禮部儀制清吏司手本前事

奉本部送禮科抄出世襲翰林院五經博士

孔胤錫等奏稱選得族人生員顏胤俊孔貞

璘等三人各捐已資赴京

請同炤例觀禮等因崇禎十四年八月初八日奉

聖旨該部察例具奏欽此欽遵抄部送司察得疏

稱三人止有顏胤俊孔貞璘二名其一人未

載名姓不便具覆合行移察合用手本前去

五經博士孔處即將族人未載名者是何姓

名作速開送過司以便議覆等因到院准此

合行開送為此合用手本前去

貴司煩炤開姓名 題覆施行須至手本者

計開

林廟舉事孔貞璘 族人孔興誨

生員顏胤俊

崇禎十四年八月十一日



禮部儀制清吏司爲

國學習儀已竣酌議未全禮節仰祈

聖裁以便遵行事奉本部送禮科抄出司禮監秉  
筆太監王德化等題前事內稱一臣監記事  
內開

上傳賜大學士等官甜食盒兒羊酒今改賜衍聖  
公等官字樣仍請

上親傳鴻臚寺堂上官在門限外過中跪承  
旨自叩一頭起一揖退鳴贊贊排班鞠躬各官行  
一拜三叩頭謝

恩禮一陪祀各官以祭服更換吉服跟役不便隨  
入今議臨時臣王德化奏明差內員持令箭  
引領各官跟役至集賢門外更換畢仍令退  
逐遠避似爲妥便等因八月初十日奉

聖旨這奏內各款於禮儀有裨既經面諭又詳議  
妥確以後俱照此例行該衙門知道欽此欽  
遵抄部送司除其餘款俟載入儀注刊刻另  
送外所有前項二款不入儀注相應知會爲  
此合用手本前去  
衍聖公府欽遵知會施行須至手本者

崇禎十四年八月十四日郎中黃太玄

太常寺典簿廳爲再函催祭服事准工部監  
督六科廊手本開稱准本廳催取

衍聖公及四氏孔氏族長祭服圓領到差察  
得先爲前事本差卽呈堂又行催都水司隨  
准都水司手本開稱已移禮部主客司備察  
應造冠帶服色件數去後屢次行催至本月  
初六日奉本部劄付都水司案呈准禮部主  
客司手本開稱

衍聖公博士併講官等官各該給 賜衣服

鈔錠等件合辦事宜炤依儀注備辦等因到  
司察得 賜衣等件賞期甚迫合將紗帽犀  
帶玳瑁等項劄廊炤數造辦其大紅織金等  
段察水部備考開載于

承運庫關支圓領俱免成造卽以紵絲羅絹  
經賚賞房給賞聽其自行裁製呈部題奉

聖旨欽此劄行到差該本差卽將紗絹五頂犀帶  
壹條玳瑁帶四條造辦俱齊見在惟候紵絲  
領出卽遵劄移送禮部給賞並未見有成造  
祭服圓領之劄今准前催合將題奉

明旨應造應領

襲封衍聖公孔 等二十一員各賜不等共  
織金紵絲羅衣共二十三套紗帽五頂犀帶  
一條玳瑁帶四條等因移覆到廳相應移會  
爲此合具手本前赴

衍聖府察炤施行須至手本者

崇禎十四年八月十四日典簿張國治

太子太傅襲封衍聖公府爲長子授職病故  
懇乞轉咨次子承襲以便供奉祭祀事據世  
襲翰林院五經博士今致仕光魯呈稱前

事切魯因手患痿痺不能供職具疏陳乞奉

旨准令長子顏紹統承襲供祖廟祀事回籍未及

三月不意瘟災流行于本月初十日染

病卧床於十六日申時病故生前並無子嗣

理應光魯次子顏紹緒繼襲今紹緒年長一

十九歲幼習詩書頗知禮度應繼兄職况本

年八月十八日恭遇本府察炤對襲翰林院

皇上臨雍大典見差行人式賀炤與示在矣

欽取陪祀但

朝廷欽命不敢違曠而祖廟之祀事又不容缺理

合具呈伏乞咨行該部煩爲轉賜

題請庶

聖駕臨雍不致乏人而於先賢祀典亦有光矣等情到府據此爲炤該本府察得世襲翰林院五經博士顏紹統青年俊雅新領祀事何突染流災倏爾身亡天奪其年何若此之速也但先賢祀事不可缺奉而

皇上臨雍大典又不可乏人此當函咨襲者也今察得顏紹緒英齡儒彥克閑詩禮以弟繼兄此情理之所宜也合無移咨

貴部煩爲察炤速爲轉

題庶

朝廷臨雍陪祀不致缺人而於先賢亦有厚幸矣須至咨者

崇禎十四年七月 日

太常寺爲禮儀事據典簿廳呈准禮部儀制清吏司手本內開崇禎十四年八月十八日恭遇

皇上躬行釋奠禮于先師廟所有四配十哲兩廡分奠大臣伏乞

欽點八員至期行禮等因該本部題奉

聖旨着點了八員分奠欽此內

大學士張四知 衍聖公孔胤植

大學士謝陞 陳演

吏部尚書李日宣 兵部尚書陳新甲

刑部尚書劉澤深

都察院左都御史王道直移會到廳案呈到

寺據此合具手本前赴請

知至期欽遵行禮施行須至手本者

崇禎十四年八月十三日署掌寺事少卿提橋

太子少保襲封衍聖公府為缺官事案查

大成至聖文宣先師孔子三十三代嫡孫孔德倫

唐封褒聖侯於河南寧陵縣

勅建祖廟賜祭田十四頃有奇至明正統九年

詔遷聖廟於儀封嘉靖十四年准請祀官授孔承

寅世襲國子監學正專主廟祀餘無資俸崇

禎元年爵父據儀封縣申稱承寅病故廟祀

缺人將六十四代孫生員孔尚林咨部題授

前職歷代相沿恩典無異會典憲章錄闕里

誌載題疏歷歷可考恭遇我

清朝定鼎首崇聖道恩隆前代廟祀典禮悉各照  
舊學正尚林雖云享祀豐潔無忝厥職柰今  
年老有疾不能行禮廟禮豈可缺人爵係宗  
子祀典攸關因查得會典內一款凡罷封衍  
聖公府官屬人員宜從衍聖公保舉來用今  
選得六十五代孫生員孔胤齊文行兼優品  
儀端恪查係嫡嗣相應罷補前職爲此合咨  
貴部煩照咨文內事理俯將孔胤齊速賜  
題授給憑管祀庶聖廟駿奔有人而我  
朝新恩益彰矣

順治八年二月十七咨

吏部

題爲缺官事文選清吏司案呈奉本部送准太子

少保龔封衍聖公孔

咨前事內開案查

大成至聖文宣先師孔子三十三代嫡孫孔德倫

唐封褒聖侯於河南寧陵縣

勅建聖廟賜祭田十四頃有奇至明正統九年

詔遷聖廟於儀封嘉靖十四年准請祀官授孔承

寅世韻國子監學正專主廟祀餘無資俸崇

禎元年爵父據儀封縣申稱承寅病故將六



聖旨是依擬用

命

命

命

命

命

命

命

命

順治八年八月二十六日

欽差巡撫山東等處地方督理營田提督軍務兵

部左侍郎兼都察院右副都御史夏 為

恭請

聖駕幸學以昭盛治事順治八年八月拾九日准

禮部咨前事儀制清吏司案呈到部該本部

題請

皇上幸學行釋奠禮照例差官行取衍聖公等隨

行准行人司開送行人王天眷職名到部相

應具



題前徃等因本年八月初四日奉

聖旨是欽此欽遵擬合就行爲此合咨前去煩爲

查照本部題奉

欽依內事理將後開行取衍聖公併五經博士及

各族人照例一體應付馳驛前來至期迎

駕陪祀施行等因到部院准此擬合移會爲此合

咨貴府煩爲查照施行須至咨者

計開行取

襲封衍聖公孔

世襲五經博士孔毓麟 顏紹緒 曾聞達

孟貞仁 仲于陞

孔氏族五人

孔顏魯孟仲博士族人各二人

右 咨

太子少保襲封衍聖公孔

順治八年八月

禮部爲恭請

聖駕幸學以昭盛治事該本部題儀制清吏司案

呈先該本部題請

皇上幸學行釋奠禮內稱照舊例差官行取衍聖

公併孔顏曾孟仲等氏博士及老成族人馳  
驛赴京迎

駕陪祀等因順治八年閏二月二十日奉  
聖旨釋奠大典允宜舉行着擇吉具儀來看

聖廟作速修理該部知道欽此隨行准行人司  
開送行人王天眷職名到司案呈到部相應

題

請恭候

命下臣部行移兵部堪給勘合本部給批行令本  
部馳驛前往山東行取衍聖公併孔顏曾孟

仲世襲五經博士及孔氏族人五人顏曾孟

仲族人各二人一同馳驛前來至期行禮陪

祀其吉期儀註部會同內院議擬另疏

上

請等因本部具題八月初四日奉

聖旨是欽此欽遵擬合就行爲此合咨前去查照

本部題奉

欽依內事理欽遵知會仍選取老成族人五人作

速馳驛前來至期陪祀施行湏至咨者

右

咨

襲封衍聖公孔

順治八年八月初七日

太子少保襲封衍聖公府爲恭請

聖駕幸學以昭盛治事順治八年八月二十五日  
准

欽差巡撫山東等處地方部院夏 咨稱順治

八年八月十九日准

禮部咨前事儀制清吏司案呈到部該本部  
題請

皇上幸學行釋奠禮照例差官行取衍聖公等隨

行准行人司開送行人王天眷職名到部相

應具題前往等因本年八月初四日奉

聖旨是欽此欽遵擬合就行爲此合咨前去煩爲

查照本部題奉

欽依內事理將後開行取衍聖公併五經博士及

各族人照例一體應付馳驛前來至期迎

駕陪祀施行等因到府准此擬合就行爲此劄付

本官照依禮部題奉

欽依內事理欽遵務選老成學行族人二人仍將

花名年貌申報前來屆期聽候本府率領迎

駕行禮陪祀作速起行毋得遲悞致咎未便湏至  
劄付者

右劄付五經博士孔毓麟 顏紹緒

曾聞達 孟貞仁 仲于陞准此

行山東驛傳道取勘合

太子少保襲封衍聖公府爲恭請

聖駕幸學以昭盛治事順治八年八月二十五日

准

欽差巡撫山東等處地方部院夏四咨前事開

稱順治八年八月十九日准

禮部咨前事儀制清吏司案呈到部該本部

題請

皇上幸學行釋奠禮照例差官行取衍聖公等隨

行准行人司王天眷職各到部相應具題前

往等因本年八月初四日奉

聖旨是欽此欽遵擬合就行爲此合咨前去煩爲

查照本部題奉

欽依內事理將後開取衍聖公併五經博士及各

族人照例一體應付馳驛前來至期迎

駕陪祀施行等因到部院准此擬合移會爲此合

容貴府煩為查照施行本月二十六日又准  
禮部咨前事各等因到府准此恭遇

皇上臨雍欽召本府併五經博士及各族人馳驛  
赴京迎接

聖駕行禮陪祀欽此欽遵外所有應用勘合例於  
山東驛傳道取用擬合移取為此合手本前  
去貴道煩為查照給領應用施行須至手本  
者

計開閱領勘合一 道 火牌七張

襲封衍聖公孔

皇上幸族人孔尚然 孔胤洪 孔尚瑀

孔胤勣 孔貞肯

五經博士孔毓麟

族人孔興煥 孔尚經

五經博士顏紹緒

族人顏伯潤 顏光秀

五經博士曾聞達

族人曾聞道 曾弘仕

五經博士孟貞仁

族人孟聞真 孟聞芳

五經博士仲于陞

族人仲應敏 仲應甲

順治八年八月二十七日

行禮部咨

少保兼太子太保龔封衍聖公府爲恭請

聖駕幸學以昭盛治事順治八年八月二十六

日准

禮部咨前事開稱該本部題儀制清吏司案  
呈先該本部題請

皇上幸學行經奠禮內稱照舊例差官行取衍聖

公併孔顏曾孟仲博士及老成族人馳驛赴

京迎

駕陪祀等因順治八年閏二月二十日奉

聖旨釋奠大典允宜舉行禮吉具儀來看

聖廟作速修理該部知道欽此隨行准行人司開

送行人王天眷職名到司案呈到部相應題

請恭候

命下臣部行移兵部堪給勘合本部給批行令本

官馳驛前往山東行取衍聖公併孔顏曾孟

仲世龔五經博士及孔顏曾孟仲族人馳驛

前來至期行禮陪祀等因到府欽此欽遵除  
本府遴選學行兼優老成族人五人外隨劄  
行孔顏曾孟仲五經博士各舉各族學行族  
人各二人申送前來本府率領依期迎接  
聖駕陪祀行禮今將

欽取陪祀本府併五經博士及老成族人姓名年  
貌擬合開送爲此合咨

貴部煩爲知會施行須至咨者

計開

少保兼太子太保龔封衍聖公孔興燮

族人生員五名

孔尚燃年叁拾捌歲身中面赤有鬚

孔胤洪年叁拾歲身中面白微鬚

孔尚瑀叁拾貳歲身中面赤

孔胤劭年叁拾歲身長面赤無鬚

孔貞吉年肆拾歲身中面赤有鬚

五經博士孔毓麟

族人生員二名

孔興煥年叁拾貳歲身中面赤微鬚

孔尚經年叁拾壹歲身中面赤微鬚

五經博士顏紹緒

族人生員二名

顏伯潤年叁拾柒歲身長面赤微鬚

顏光秀年叁拾歲身中面赤有鬚

五經博士曾聞達

族人生員二名

曾聞道年貳拾歲身中面麻無鬚

曾弘仕年貳拾捌歲身中面黧無鬚

五經博士孟貞仁

族人生員二名

孟聞真年叁拾肆歲身長面赤有鬚

孟聞芳年叁拾叁歲身中面赤微鬚

五經博士仲于陞

族人生員二名

仲應敏年貳拾捌歲身中面赤微鬚

仲應甲年貳拾柒歲身中面赤有鬚

順治八年九月二十五日

行禮部咨

少保兼太子太保龔封衍聖公府為臨雍大

典服制宜先甄辦事切照爵恭遇



聖駕臨雍業奉

聖旨遣行人司行人王天眷行取到京陪祀爵已  
於本月十九日進京雖

視學尚無定期而陪祀服色

不可不蚤爲甄辦也爵備查闕里誌前朝舊  
制爵陪祀祭服及孔顏曾孟仲五家博士祭  
服悉太常寺備辦候屆期服用今我

朝定制頂戴雖有品級而朝祭服色未經

欽定再查舊制孔顏曾孟仲陪祀族人悉用舉人  
服色入雍陪祀前爵咨行貴部查復舊典

蒙行東至今尚未回覆今

臨雍伊邇急不能待懇乞

貴部備查歷朝舊典肇開

聖代新恩爵及孔顏曾孟仲五家博士應用何等

服色或太常寺備辦或爵等自行制造並孔

顏曾孟仲族人或用舉人服色或用生員服

色統希畫一以便遵行文查舊制爵陪祀之

日有屬官二員五家博士及族人年老者有

從人一名跟入扶用臨期各給牙牌一面以

便稽查今我

朝尚無定制亦乞

詳示作何錫予甄別以便跟

隨爲此合塔人 貴部煩將塔內事理備查施行須至塔者

順治八年九月二十八日

孔子六十六代孫少保兼太子太保龔封衍聖

公孔興燮謹

奏爲循例籲 恩以光曠典事切照 臣蒙

欽召隨即欽遵借孔顏曾孟仲博士孔毓麟等及族人廩膳生員孔尚燃等齎集

闕下該禮部傳奉

聖諭命 臣暫且歸里另期行取 臣謹遵

諭於本月拾五日 陛辭旋里外仰 臣竊有

請馬伏查舊例族人生員陪祀者俱准送監讀書

今

聖駕尚未臨雍已添舉人十五名是雍中諸生未

幸學業已預沾廣額之

恩而臣族諸人俱係聖賢子系且千里向往更與

輦轂輻輳之雍生不同尤宜首先沾恩以光

曠典者也 伏乞

聖明垂念諸生竭蹶趨誠冀恩倍切

勅下禮部比照

盛京鄉試恩例先將生員孔尚燃等十五人准以恩生預送入監讀書恭候

聖駕臨雍陪祀是亦我

皇上優崇聖裔之典所不靳也臣不勝悚慄待

命之至爲此具本謹奏以

聞

順治八年十月十四日上十五日下午奉

聖旨禮部議奏

禮部覆本

奏爲循例額

恩以光曠典事該本部題儀制清吏司案呈奉本

部送禮科抄出孔子六十六代孫少保蕪太

子太保襲封衍聖公孔興燮奏前事內稱切

照臣蒙

欽召隨即欽遵偕孔顏曾孟仲博士孔毓麟等及

族人廩膳生員孔尚燃等鱗集

闕下該部禮傳奉

聖諭命臣暫且歸里另期行取臣謹遵

諭于本月十五日 陛辭旋里外抑臣竊有

請焉伏查舊例族人生員陪祀者俱准送監讀書

今

聖駕尚未臨雍諸生何敢妄異但以

盛京鄉試因

聖駕臨雍已添舉人十五名是雍中諸生未值

幸學業已預沾廣額之

思而臣族諸人俱係聖賢子系且千里向往更與

輦轂輻輳之雍生不同尤宜首先沾恩以光

曠典者也伏乞

聖明垂念諸生竭蹶趨誠冀恩倍切

勅下禮部比照

盛京鄉試恩例先將生員孔尚燃等十五人准以

恩生預送入監讀書恭候

聖駕臨雍陪祀是亦我

皇上優崇聖裔之典所不靳也等因順治八年十

月十五日奉

聖旨禮部議奏欽此欽遵抄出到部送司案呈到

部該臣等查得前朝天啓五年崇禎二年十

四年舊例幸學釋奠

先師孔子畢日凡孔氏等族人以生員陪祀者俱  
准送監今衍聖公孔興燮援例奏  
請應候

聖駕幸學畢日再議者也等因本部具題十二月十  
七日奉

聖旨是欽此欽遵擬合就行爲此合咨前去煩爲  
查照來文及奉

欽依事理轉行孔顏曾孟仲族人一體遵奉施行  
須至咨者

順治八年十二月十日

順治九年

月

日

禮部爲遵

旨舉行臨雍大典事儀制清吏司案呈該本部具

內題

天子臨雍釋奠及先經行取衍聖公等赴京陪祀  
彼時因有事未暇舉行傳衍聖公暫且歸里  
另期行取等因順治九年七月初四日奉

聖旨是其臨雍釋奠着擇吉具奏欽此除行欽天  
監擇吉外隨行准行人司開送行人張九徵  
職各到部送司案呈到部相應題

請恭候

命下軍部行移兵部填給勘合本部給批行令本  
官馳驛前往山東行取衍聖公併孔頴曾孟  
仲五博士及孔氏族人伍人孔頴曾孟仲族  
人各二人一同馳驛前來至期行禮陪祀其  
吉期儀注臣部會同

內院議擬另疏上

請等因本部具題七月十一日奉  
聖旨是欽此欽遵擬合就行為此合咨前去查照  
本部題奉

欽依內事理欽遵知會仍選取老成族人伍人作  
速馳驛前來至期陪祀施行須至咨者

恩如奉右咨

襲封衍聖公孔

順治九年 月十日

少保兼太子太保襲封衍聖公府為

臨雍大典比例祈恩咨題觀禮事據世襲國子監  
學正孔胤齊呈前事開稱竊照

聖主崇儒禮特隆於釋奠朝臣嚮化念共切於觀  
光况係

聖祖之胤益幸不世之遭逢齊入朝

嵩呼固與顏會孟仲博士無異環橋觀聽宜與顏

曾孔孟仲博士相同今

皇上躬臨辟雍釋奠

聖祖內翰林國史院世襲五經博士顏紹緒會

聞達孔毓麟孟貞仁仲于陛皆以聖裔賢胤

特蒙

恩取恭候趨蹌已行之成例見在今茲之祈恩非

創懇乞查照博士陪祀之例咨部具題倘蒙

皇恩普一視之仁則微臣慶千載之盛等情到府

據此為照該本府看得恭遇

皇上肇舉臨雍之典凡屬聖裔胤莫不慶千載

之遭逢而與觀光於日月查得孔胤齊係奉

祀朝

賀官員昨又蒙

恩賜宴禮部今既比例呈請前來相應允從以普

皇恩而光特恩者也為此合咨

貴部煩為查照咨文內事理希將孔胤齊照世

襲五經博士例仍將本戶族人行取一人俯

賜

題取一同觀禮施行須至咨者

順治九年二月初六日

禮部爲

臨雍大典比例祈恩咨題觀禮事儀制清吏司案  
呈奉本部送准少保兼太子太保襲封衍聖  
公府咨前事內稱據世襲國子監學正孔胤  
齊呈前事開稱竊照

聖主崇儒禮特隆於釋奠朝臣嚮化念共切於觀  
皇土光況係承之典以風望喬胤莫不與于郊  
聖祖之祀胤益幸不世之遭逢齊入朝

嵩呼固與孔顏曾孟仲博士無異環橋觀聽宜與  
孔顏曾孟仲博士相同今

皇上躬臨辟雍釋奠

聖祖內翰林國史院世襲五經博士顏紹緒曾

皇恩聞達孔毓麟孟貞仁仲于陞皆以聖裔賢胤

恩蒙特蒙

恩取恭候趨踰已行之成例見今茲之祈恩非創

懇乞查照博士陪祀之例咨部具題倘蒙

皇恩普一視之仁則微臣慶千載之盛等情到府據

皇土此爲照該本府看得恭遇



皇上肇舉臨雍之典凡屬聖賢裔胤莫不慶千載  
之遭逢而與觀光於

日月查得孔胤齊係奉祀朝

賀官員昨又蒙

恩賜宴禮部今既比例呈請前來相應允從以普  
皇恩而光特典者也爲此合咨貴部煩爲查照咨  
文內事理希將孔胤齊照世襲五經博士例  
仍將本戶族人行取一人俯賜題取一同觀  
禮施行等因咨部送司奉堂批司查例說堂  
送司奉此查得舊例

臨雍在京聖裔皆得觀禮獨學正祈恩行取族人  
之例本部案冊未載不便題取合行咨回衍  
聖公自行查例具題可也案呈到部擬合就  
命不行爲此合咨前去煩爲查照施行須至咨者  
請奏  
順治九年三月十四日

少保兼太子太保襲封衍聖公府爲遵

旨臨雍大典事順治九年八月十一日准

禮部咨前事開稱儀制清吏司案呈該本部  
具題

天子臨雍釋奠及先取衍聖公等赴京陪祀彼時

因有事未暇舉行傳衍聖公暫且歸里另期  
行等因順治九年七月初四日奉

聖旨是其臨雍釋奠着擇吉具奏欽此除欽天監  
擇吉外隨行准行人司開送行人張九徵職  
名到部送司案呈到部相應題

請恭候

命下臣部行移兵部填給勘合本部給批行令本  
官馳驛前往山東行取衍聖公併孔顏孟曾  
仲世襲五經博士及孔氏族人五人孔顏曾  
孟仲族人各二人一同馳驛前來不日期行禮

陪祀恭

聖旨是等因到府准此除本府欽遵外所有到  
陪祀五經博士及各族人姓名年貌擬合開  
送以便臨期本府率領迎接  
聖駕陪祀爲此合咨

貴部煩爲知會施行須至咨

計開

少保兼太子太保襲封衍聖公孔興燮

族人生員五名

孔尚燃年叁拾玖歲身中面赤有鬚

孔胤洪年叁拾五歲身中面白微鬚

孔尚瑀年叁拾叁歲身中面赤微鬚

孔胤劭年叁拾壹歲身長面赤無鬚

孔貞吉年肆拾壹歲身中面赤有鬚

五經博士孔毓麟

族人生員二名

孔興義年叁拾歲身中面麻微鬚

孔尚經年叁拾貳歲身中面赤微鬚

五經博士顏紹緒

族人生員二名

顏伯潤年叁拾九歲身長面赤微鬚

顏光秀年叁拾壹歲身中面赤有鬚

五經博士曾聞達

族人生員二名

曾聞道年貳拾壹歲身中面麻無鬚

曾弘仕年年貳拾九歲身中面赤無鬚

五經博士孟貞仁

族人生員二名

孟聞真年叁拾伍歲身長面赤有鬚

孟聞芳年叁拾四歲身中面赤微鬚

五經博士仲于陛

族人生員二名

仲應敏年貳拾玖歲身中面赤微鬚

仲應甲年貳拾捌歲身中面赤有鬚

順治九年九月初三日咨禮部

少保兼太子太保襲封衍聖公府爲

臨雍大典比例乞恩咨題觀禮事據世襲國子監

學正孔胤齊呈前事開稱竊惟

聖主崇文禮特隆於釋奠朝臣向化念共切於觀

光况係

先師之祀胤益幸不世之遭逢齊入朝

嵩呼

萬壽固與五經博士無異環橋觀聽宜與五經博

士相同今

皇上躬臨辟雍釋奠

先師世襲五經博士孔毓麟等皆以聖裔賢胤

率領族人陪祀齊以聖裔而職列國學世守

聖祀族人雖不敢媿休齊以似應同列觀禮

况舊例

臨雍京職聖裔皆得觀禮已前之成例可據而今

茲之乞恩非創懇乞

宗主俯准查照舊例博士併孔聞籍等咨部

觀禮庶

皇恩得以均沾則微臣慶千載之益等情到府據

此爲照該本府看得孔胤齊職列國學今

聖駕臨雍及不得追隨趨踰之末况往列聖齋京

官孔聞籍等皆得乞恩觀禮故齊始具詞上

懇也今據前因相應會請爲此合咨正整

貴部煩爲查照咨文內事理俯將孔胤齊速

賜炤例題

請觀禮伴胤齊行以隨班觀禮庶

皇恩普被而闔族均感矣須至咨

順治九年九月朔九日

少保兼太子太保襲封衍聖公府爲

新朝臨雍盛典近臣念切觀光謹引成例懇乞咨

部代

題一體陪祀事據刑部廣東清吏司員外郎孔

胤樾呈前事開稱切惟

聖主肇統首舉臨雍之禮薄海知歸咸欣文治之

隆樾際

聖作物觀之期縮半綸而依禁近幸源遠流長之  
守一線以附宮牆觀茲

盛典念切分榮查得明朝天啓五年族人行人孔  
聞諫中書孔聞詩皆以聖裔身列京員客呈  
禮部題准隨班觀禮崇禎二年行人孔聞籍  
復緣前例呈部題准照聞諫聞詩一體陪祀  
在昔年之成例具存因爲可引况

新朝之巨典初興忍其自并爲此具呈伏乞詳查  
往例移咨禮部轉懇代  
題俾樾得照聞諫聞詩等例追隨博士族人之

一體趨踰同觀俎豆則

朝廷崇文之盛踰越百代臣子觀光之慶綿永千  
秋等因到府據此該本府看得

聖駕臨雍千載勅典凡我執經莫不環橋聽講况  
屬聖裔乎查得族人孔胤樾前已奉

旨更名既係先聖苗裔豈可躬逢盛典而自外觀  
光之理乎况有舊例行人孔聞諫中書孔聞  
詩行人孔聞籍皆以京官乞恩蒙准觀禮因  
有往例之援可故樾具呈相請也今據前因  
相應移會爲此合咨

貴部煩為查照舊例俯將胤樾題

請觀禮俾得隨趨蹌之末而闔族均沾無涯之榮

矣須至咨者

順治九年九月初四日

少保兼太子太保襲封衍聖公府為

新朝臨雍太典微臣同係聖裔懇懇比例咨

部一體觀光事據刑部山東清吏司主事孔

自洙呈前事開稱切惟

聖皇開治崇舉隆儀世澤遐敷聿追共本遇恭

朝廷蠲期幸學博士族人追隨行禮舊例聖裔凡

京官在仕籍者皆得分榮陪祀族弟胤樾已

蒙咨請 禮部引例代

題切念自洙雖隸浙籍實係宋封文宣公孔玠

之後傳祖孔汝燁自衢遷嘉十世而至自洙

家祠碑記歷歷現存同係

聖祖苗裔義不忍以自外均屬

聖朝臣子願倍切于觀光為此具呈仰祈查照譜

牒對明支派咨 請禮部代

題一體陪祀則

朝廷弘一視之仁宗族有均榮之慶等情到府據

此爲照該本府看得孔自洙籍不隸於山左  
而自洪係宋文宣公孔玠遷衢後裔查稽譜  
牒實有孔玠遷衢一枝是支派雖別而源流  
聖時則一既自稱爲

先聖苗裔自應同一陪祀分榮况往日聞諫之  
舊例可援而今胤樾之乞恩可比也今據前  
因擬合移會此合咨  
貴部煩將孔自洙照例題  
請觀禮庶

皇恩普被而闔族均沾矣須至咨者

順治九年九月初九日咨

禮部

少保兼太子太保襲封衍聖公府爲遵

旨臨雍大典事本年十月初九日准

禮部咨前事開稱儀制清吏司案呈奉本部

送准少保兼太子太保襲封衍聖公孔 咨

送五經博士孔毓麟族人生員孔興煥今咨

送族人生員孔興義到部送司姓名前後互

異相應咨查案呈到部擬合就行爲此合咨

貴府希速查明咨覆過部施行等因到府准

此該本府查得孔興煥去歲咨開前來陪祀



今值

欽取之時興煥偶得虛疾已經物故恐虛

大典故另選老成生員孔興義前來頂補今准前

後緣由咨覆

貴部煩爲知會施行須至咨者

順治九年十月十二日咨覆 禮部

少保兼太子太保襲封衍聖公府爲禮儀事

照得本府恭遇

臨雍大典

欽召來京陪祀所有隨從本府辦事人員署典籍

事張應泰署司樂事劉國棟皆係品級職官

已經隨

朝辦事外又有跟隨五經博士各家人役姓名年

貌擬合開送以便臨期跟隨爲此合咨

貴部煩爲知會施行須至咨者

計開

少保兼太子太保襲封衍聖公孔

辦官二員

張應泰年四十八歲身中面赤微鬚

劉國棟年四十五歲身長面赤微鬚

五經博士顏紹緒 從人一名葛寅年四十

九歲身中面赤微鬚

五經博士曾聞達 從人一名龍旺秋年四

四十九歲身中面赤微鬚

五經博士孔毓麟 從人一名馮一龍年四

十五歲身中面赤微鬚

五經博士孟貞仁 從人一名陳良富年三

十九歲身中面赤微鬚

五經博士仲于陞 從人一名蔡進年三十

五歲身中面赤微鬚

順治九年九月十二日

刑部山東清吏司主事孔自洙 呈為

新朝臨雍大典微臣同係聖裔懇 恩比例容

部一體觀光事切惟

聖皇開治崇舉隆儀世澤遐敷聿追共本恭遇

朝廷蠲期幸學博士族人追隨行禮舊例聖裔凡

京官在仕籍者皆得分榮陪祀族弟胤樾已

蒙咨請禮部引例代

題切念自洙雖隸浙籍實係宋封文宣公孔玠

之後傳祖孔汝燁自衢遷嘉十世而至自洙

家祠碑記歷歷現存同係

聖祖苗裔義不忍以自外均屬

聖朝 子頭倍切于觀光爲此具呈仰祈查照謹

牒對明支派咨請 禮部代

題一體陪祀則

朝廷弘一視之仁宗族有均榮之慶理合具呈

至呈者

右

襲封衍聖公孔

順治九年九月初九日

禮部爲遵

旨臨雍大典事儀制清吏司案呈奉本部送准

少保兼太子太保襲封衍聖公孔 咨送五

經博士孔毓麟族人生員孔興煥今咨送族

人生員孔興義到部送司姓名前後互異相

應咨查案呈到部擬合就行爲此合咨

貴部希速查明咨覆過部施行須至咨者

右 咨

襲封衍聖公孔

順治九年 月 日

禮部爲禮儀事照得奉

旨順治玖年玖月貳拾貳日卯時

幸學所有應行儀注會同

內三院公同議定刊刻相應咨送爲此合咨前去煩爲查照儀注內事理施行須至咨者

計咨送儀注陸本

右

襲封衍聖公孔

順治九年九月十八日

禮部爲

新朝臨雍盛典近臣念切觀光謹引例咨部代

題一體陪祀事儀制清吏司案呈奉本部送禮

聖旨科抄出該本部題前事內稱准少保兼太子

庶常太保襲封衍聖公孔咨稱刑部廣東司員外

郎孔胤樾世襲國子監學正孔胤齊刑部山

東司主事孔自洙同係聖裔比例一體觀光

等因到部案查舊例行人司行人孔胤籍及

吏科給事中孔聞詩隨班觀禮俱係禮部代

題准令列于五經博士之末一體行禮等因在案

該臣等看得先聖苗裔刑部廣東司員外郎

孔胤樾世襲國子監學正孔胤齊刑部山東  
司主事孔自洙

臨雍觀禮既與舊例相符相應題

請恭候

命下臣部行令本官照依列于五經博士之末行

禮併行該衙門預備衣服以便臨期

頒賞施行等因順治九年九月十九日奉

聖旨是欽此欽遵案呈到部擬合就行爲此合咨

貴部煩爲查照來文及奉

欽依內事理行令各官至期觀禮施行須至咨者

右

咨

襲封衍聖公孔

順治九年九月二十一日

孔子六十六代孫少保兼太子太保襲封衍

聖公孔興燮謹

奏爲

幸學禮成往例可援謹籲

特恩以優近臣事日者

聖駕幸學優錫過隆臣因推

皇上眷顧聖裔之心凡舊例之所有者悉爲

皇上陳之臣查天啟伍年視學之臣族人中書孔  
聞詩會以京官陪祀臧俸考授吏科給事中  
崇禎二年視學之後臣族人行人孔聞籍亦  
以京官陪祀臧俸考授南吏部主事今臣族  
人進士孔胤樾孔自洙皆見任京職奉  
旨陪祀政與前臣事例相同伏乞

皇上勅部將二臣比例加恩酌議遷擢則  
朝廷弘一視之仁於京官有倍優之典臣不勝激  
切待命之至爲此具本親齎謹具

奏

聞

順治九年十月初二日、上初四日奉

聖旨吏部議奏

孔子六十六代孫少保蕪士公子太保襲封衍聖  
公孔興燮謹奏爲祀典久缺遵

詔保奏以廣

皇仁以綿聖澤事照得爵祖宰治中都教化大行  
後人因於是地設聖澤書院一處歷朝隨設  
世襲太常寺博士一員以主祀事例應爵三  
子承襲於順治元年十二月內山東巡撫方

大猷題

請在案部卷可查但因爵在冲年子嗣暫未故主祀無人所以祀典廢缺茲有前任五經博士

孔胤鈺因違例請即奉

旨革職當日請即原爲求榮非有賍私大過可以

蔽錮終身之條况我

皇上躬親大政欽奉

恩綸一切廢官詳開緣由錄用一時濟濟起用諸臣

咸沾

浩蕩之恩矣俯查博士等官係爵屬官例應爵保

奏是各省諸臣既可以邀

恩而慶彈冠大聖苗裔似亦可以叩

天而沐恩膏也伏乞

皇上憐念聖裔赦其小過

勅下吏部將孔胤鈺補授太常寺博士代理澤書

院祀事俟爵有子之日仍歸爵子庶祀典不

致廢缺而

皇恩可以永佩矣

順治九年十月初三日上本初四日奉

聖旨吏部察議具奏

聖旨禮部為

臨雍創舉典禮維新懇

恩查例送監以優聖裔事儀制清吏司案呈奉本

部送禮科抄出孔子六十六代孫少保兼太

子太保襲封衍聖公孔 奉前事等因

順治九年九月二十八日奉 聖旨著察例議奏該部知道欽此欽遵抄出到部

送司案呈到部該本部查得天啓五年孔氏

族人生員入監三名魯孟各一名崇禎二年

孔氏族人生員入監四名顏孟各二名今本

府具奏孔氏及五經博士族人生員一十五

名因何與舊例送監人數不侔有無定例相

應移查為此合咨貴府煩查族人陪祀舊例

始自何年孔氏併五經博士族人陪祀應否

盡送入監及仲氏族入舊案無載陪祀生員

果否一併送監逐一詳開過部施行須至咨

者

右 咨

襲封衍聖公孔

順治九年十月初九日



復禮部咨

少保兼太子太保襲封衍聖公府爲

臨雍創舉典禮維新懇

恩查例送監以優聖裔事本年十月初九日禮部咨前事開稱本部送禮科抄出孔子六十六代孫少保兼太子太保襲封衍聖公孔

奏前事等因順治九年九月二十八日奉

聖旨着查例具奏該部知道欽此欽遵抄出到部送司案呈到部該本部查得天啟五年孔氏族人生員入監三名曾孟各一名崇禎二年

孔氏族人生員入監四名顏曾孟各二名今本府具奉孔氏及五經博士族人員一十五名因何與舊例送監人數不侔有無定例相應移查爲此合咨貴府煩查族人陪祀舊例始自何年孔氏併五經博士族人陪祀應否盡數入監及仲氏族入籍案無載陪祀生員果否一併送監逐一詳開過部施行等因到府准此爲照爵查得族人陪祀歷代皆有而生員陪祀者始自明朝查得天啟伍年生員陪祀者孔氏止三人顏曾孟止一人崇禎二

關里言 卷之三十一  
年生員陪祀者止四人顏曾孟各二人餘皆  
族人中間或有年荒途梗遇病遭故者因此  
人不足額但

臨雍事竣族人則賜冠生員則送監讀書此舊例  
照然可稽今我

皇上開創之初首隆斯典擇吉議禮甚爲誠重爵  
何敢輕褻深恐族人未讀詩書不諳禮儀又  
恐人數不全有負

大典故照部咨慎選老成素嫻儀文者生員十五  
人前來接

駕陪至于辛卯順天鄉試因

幸學尚邀

恩加中壹拾伍名况爵族人素蒙  
皇恩之所加厚者或于浩蕩之中不靳此雨露也  
至于仲氏生員查符仲博士襲自明崇禎十  
六年未經

幸學故無舊案今既與孔顏曾孟一併  
欽取又同係賢裔相應一體送監詎可五爲異同  
今唯前因謹將前後緣由開載合覆

貴部煩爲查照咨文內事理施行須至咨者

順治九年十月十二日

禮部爲

臨雍創舉典禮維新懇

恩查例送監以優聖裔事該本部題儀制清吏司

案呈奉本部送禮科抄出孔子六十六代孫

少保兼太子太保襲封衍聖公孔 奏前事

等因順治九年九月二十八日奉

聖旨着察例議奏該部知道欽此欽遵抄出到部

送司案呈到部查順治八年該衍聖公孔

奏

請生員未及陪祀入監該臣先題查得天啟四

年崇禎二年崇禎十四年生員陪祀俱准送

監讀書今衍聖公援例 奏

請應候

聖駕幸學畢日再議等因具題奉

旨是欽遵在案今該臣等看得臨雍

盛典凡孔氏族人生員顏曾孟後裔陪祀者俱

准入監此舊例也惟仲氏入監舊案無載隨經

臣部移查據衍聖公回稱仲氏子孫在

幸學之後崇禎十六年方授博士故無入監舊例

今應將生員孔尚燃孔胤洪孔尚瑀孔胤劭  
孔貞旨孔興義孔尚經顏伯潤顏光秀曾聞  
道會弘仕孟聞真孟聞芳應照例送監其仲  
應敏仲應甲既經衍聖公咨明在案相應一併  
移送同沾

聖恩者也等因本部具題十月二十日奉

聖旨是依議行欽此欽遵擬合就行爲此合咨前

去查照本部題奉

欽依內事理施行須至咨者

右

襲封衍聖公孔

順治九年九月二十二日

皇上幸學二十三日上謝

恩表本日 禮部筵宴二十四日

午門前頒賜衍聖公並孔顏曾孟仲五家博士陪

祀五家族人每人滿冠一頂滿衣一襲



部將

聖廟國學脩理完日知會臣部以憑擇吉具奏  
在案該臣等查得

世祖章皇帝親政後于順治九年臨國子監致祭  
先師孔子廟行取衍聖公併孔顏曾孟仲等五  
經博士及孔氏族人五人孔顏曾孟仲族人  
各二人馳驛赴京到日陪祭

御燹倫堂

命國子監祭酒司業講書在案今脩理

孔子廟已定照例差官行取衍聖公併子思顏

子曾子孟子子路等五經博士及孔氏等族  
人各馳驛赴京到日陪祭其詳察禮儀選擇  
吉日另疏題請恭候

命下臣部遵奉施行等因康熙八年正月二十八

題二月初一日奉

旨依議欽此欽遵抄出到部送司奉此相應移咨  
案呈到部擬合就行爲此合咨前去煩爲查  
照本部題奉

旨內事理仍選取老成族人五人作速馳驛前來

至期陪祀施行須至咨者

右咨

衍聖公

康熙八年二月初三日

山東等處承宣布政使司為請

旨事康熙八年二月二十二日蒙

巡撫部院劉案驗准

禮部咨前事儀制清吏司案呈奉本部送禮  
科抄出該本部題前事內稱康熙八年正月  
二十一日准工部咨稱國子監衙門處所已

經陸續修完相應移咨禮部知照等因前來  
查康熙六年八月內兵科給事中吳國龍題  
為恭請隆舉

幸學之典等事奉

旨臨雍釋奠大典禮儀理宜舉行前已有  
旨修理聖廟國學俟完日知會臣部以憑擇吉具  
奏在案該臣部等查得

世祖章皇帝親政後于順治九年臨國子監致祭  
先師孔子廟行取衍聖公併孔顏魯孟仲等五  
經博士及孔氏族五人孔顏魯孟仲族人

各二名馳驛赴京到日陪祭

御爨倫堂

命國子監祭酒司業講書在案今修理

孔子廟已完照例差官行取衍聖公并子思顏  
子魯子孟子子路等五經博士及孔氏等族  
人各馳驛赴京到日陪祭其詳察禮儀選擇  
吉日另疏題請恭候

命下臣部遵奉施行等因康熙八年正月二十八

題二月初一日奉

旨依議欽此欽遵抄出到部送司奉此相應移咨  
案呈到部擬合就行爲此合咨前去煩爲查  
照本部題奉

旨內事理即將後開行取衍聖公併五經博士及  
各族人照例一體應付馳驛前來至期迎

駕陪祀施行等因到部院准此擬合就行爲此案  
仰本司官吏照依咨案備奉

旨內事理即將後開行取衍聖公併五經博士及  
各族人一概應付馳驛前去至期迎

駕陪祀施行仍先將起程日期詳報本部院以憑



卷之三十一  
百八十九  
咨覆母得遲違等因到司蒙此擬合移會為  
此合咨貴府煩為照依咨案備奉

旨內事理希速馳驛前去并知會後開世襲五經  
博士及族人一併馳驛前去至期迎

駕陪祀希先將起程日期移文過司以憑呈報  
撫部院咨覆施行須至咨者

計開行取

襲封衍聖公孔

世襲五經博士孔毓瑛 顏懋衡 曾貞豫

孟貞仁 仲于陞

孔氏族五人

孔頰曾孟仲族人各二人

右 咨

襲封衍聖公府

康熙八年八月 二十四日

回布政司咨

襲封衍聖公府為請

旨事康熙八年二月二十七日准

貴司咨前事等因到府准此除各博士慶賀

萬壽俱即先經起行赴

京本府業即知會令各遵奉選取族人隨行外  
本府因在守制例不入  
賀茲恭遇

皇上臨雍奉

旨行取陪祀欽遵在案見在選取族人移取勘合  
謹於三月初七日率領選取族人起行今准  
前因擬合移覆爲此合咨前去  
貴司煩爲查照施行須至咨者

康熙八年二月二十九日

行人司爲請

旨事照得本司於康熙八年二月初九日接到  
禮部劄付本官遵照本部

題奉

旨內事理馳驛前去山東兗州府欽取衍聖公孔  
及五經博士孔顏曾孟仲並孔氏族人五人  
孔顏曾孟仲族人各二人作速馳驛前來勿  
得遲延等因本司于本月二十八日到境親

謁

聖公府將

禮部

題奉

旨內事理面致訖事竣回

京應討起程日期并劄內事理給賜回文以便  
覆繳爲此移文

貴府查照施行須至移文者

康熙八年二月

行人司文

襲封衍聖公府爲請

旨事康熙八年二月二十八日准

貴司移文前事等因到府准此除各博士慶

賀

萬壽俱即先經起行赴

京本府業即知會行令遵奉選取族人隨行外

本府因在守制例不入

賀茲恭遇

皇上臨雍奉

旨行取陪祀欽遵在案見在選取族人移取勘合

謹於三月初七日率領選取族人起行令准

前因擬合移覆爲此合用手本前去

貴司煩爲查照施行須至手本者

康熙八年三月 初一日

襲封衍聖公府為請

旨事康熙八年二月十七日准行人司移文前事  
內稱照得本司于康熙八年二月初九日接  
到

禮部劄付本官遵照本部

題奉

旨內事理馳驛前去山東兗州府欽取衍聖公孔  
及五經博士孔頴魯孟仲並孔氏族五人  
孔頴魯孟仲各二人作速馳驛前來勿

得遲延等因本司于本月二十八日到境將

禮部

題奉

旨內事理面致訖應移取起程日期並劄內事理  
給付回文以便復繳為此移文貴府查照施  
行等因到府准此本爵欽遵

召旨謹以奉到移文隨經轉行各翰博知會併選

取族人起程外本爵即束裝于三月初七日  
起程除將起程日期業已移覆行人司并山  
東布政司轉報外但本爵見丁父憂祇以

君命是遵祖廟事重馳驅就道不敢遲延然展轉  
思維趨踰俎豆之間實不自安今本爵行將  
入

京祀期迫近除各博士與爵族人等遵依一體  
陪祀外至本爵應否

朝見陪祀不得不預祈

奏請

明示以便遵行爲此合咨

貴部煩爲查照咨文速賜

題

請施行須至咨者

右

咨

禮

部

康熙八年三月

初六

襲封衍聖公府爲欣逢

臨雍盛典近臣念切觀光懇賜咨

部代

題一體陪祀以襄鉅典事據內國史院中書舍

人加一級顏光敏呈前事內稱竊照視學乃

朝廷之盛舉觀禮實臣子之殊榮恭遇

皇上臨雍講學凡在班行無不雀躍快覩職忝復  
聖後裔六十七代孫承乏薇省思欲咫尺  
天顏趨効奔走但查往日事例凡遇

禮部代

臨雍聖賢後裔有見列京職者俱由大宗咨送  
題陪祀用是不揣卑微薰沐上請伏乞大宗慨  
賜咨文榮感不朽等因又據恩取歲貢監生  
候選縣丞孔尚義呈前事呈為懇恩咨  
部

題請俯允聖裔觀光事恭遇

皇上臨雍講學職係

至聖六十四代孫考定縣丞在京候選幸遇  
臨雍願祈隨班觀禮往例聖賢後裔有見列京職  
與在京守選者俱由大宗咨送

禮部代

題陪祀一醉觀光職不揣卑微薰沐上請伏祈  
大宗移咨各等因到府據此該本爵查得舊  
例

聖駕臨雍凡屬聖裔賢裔出仕見列京職與在京  
守選者俱得咨請具

題俾其追隨各博士族人之間一躡趨踰同觀  
俎豆舊例具在可查內國史院中書舍人顏  
光敏既係復聖後裔併候選縣丞孔尚義係  
至聖裔躬逢

盛典呈請陪祀觀光爲此合咨

貴部煩爲查照舊例將顏光敏等

題請觀禮庶

皇恩普及而聖賢後裔均沾矣須至咨者

右咨

禮部

康熙八年三月

初七

襲封衍聖公府爲懇恩觀禮事據候補運同  
孔貞來原任江南寧國府知府因公受累降  
一級在

部候補幸遇

臨雍大典例應觀光懇乞大宗據呈咨  
部等因據此爲照本爵查候補運同孔貞來  
係

聖祖六十三裔孫見在

部候補幸遇

臨雍大典呈請觀光爲此合咨

貴部煩爲查例與爵先咨內國史院中書舍人顏光敏等一併俯賜

題

請俾隨各博士班行之末陪祀觀光則闔族沾榮無極矣須至咨者

右

咨

禮

部

康熙八年三月

初九

襲封衍聖公府爲懇恩援例咨請觀禮事據

四氏學學錄孔貞譽主稱卑職際遇

臨雍大典查誌書有前景泰庚午取三氏學學錄孔克晏陪祀天啟四年取學錄孔弘顯陪祀即順治九年有學正孔胤齊蒙咨觀禮職名穎國子監名銜係

先聖後裔載在誌書前例可考懇乞大宗恩准援例咨

部得與觀禮等因又據國子監監生孔胤璐呈稱爲懇恩轉咨事竊照生於本年已經三省總督白景



題送監訖欣值

皇上臨雍允係監生例得隨班觀禮况生係

聖裔自應入廟觀俎豆之光伏乞大宗推恩咨

部俾生得入廟觀禮無任榮感等因到府據

此諉本爵查得四氏學學錄孔貞燦官屬國

子監名銜係

至聖六十三代裔孫併例監生員孔胤璐係

至聖六十五代裔孫新已援例送監自應隨班

行禮但據稱既係

聖裔躬逢

幸學盛典各呈請陪祀觀光爲此合咨

貴部煩爲查照舊例將孔貞燦孔胤璐俯賜

題請觀禮庶

皇恩普及而聖賢後裔均沾矣須至咨者

右咨

禮部

康熙八年四月初一日

禮部爲請

青事儀制清吏司案奉本部送禮科抄出該本部

題前事內稱該臣等于康熙八年正月內題

前事內稱今脩理

孔子廟已完照例差官行取衍聖公等赴京到

日陪祭其詳察禮儀選擇吉日另疏

題

請等因其題奉

旨依議欽此欽遵隨行欽天監選擇吉日及差行

人司司正陳調元行取衍聖公等去後今俱

已到京欽天欽監選擇吉日

聖駕行釋奠

孔子廟于本年四月十五日丁丑吉查得順治

九年釋奠

先師孔子分獻四配十哲東西兩廡及啟聖祠

位遣內院六部等衙門官員致祭祭畢

御彞倫堂命滿漢祭酒司業講易經書經曾奉

諭旨次日王等以下文武各官俱齊集先行禮續

行聖公祭酒等率領各監生各進一表行禮

在案今

皇上釋奠

先師孔子照欽天監所擇四月十五日釋奠釋

奠畢

御爨倫堂命祭酒司業所講易經書經內某篇內  
院定議其分奠官員姓名另疏開列具

題釋奠禮儀等項俱照順治九年例遵行可也

等因康熙八年四月初三日

題本月初五日奉

旨依議欽此欽遵抄出到部送司奉此相應移咨

案呈到部擬合就行爲此合咨前去煩爲查

照本部

題奉

旨內事理欽遵施行須至咨者

右咨

衍聖公

康熙八年肆月初七日

禮部爲請

旨事准襲封衍聖公孔咨稱未滿父服本爵應

否

朝見陪祀誦預定等因前來查衍聖公孔毓圻父

故一年有餘今

皇上臨雍講書禮儀不比平常祭奠禮儀相應仍

隨

陽里詩 卷之二十三  
皇上行禮次日率五經博士進

表可也等因康熙八年四月初八日

題本日奉

旨依議欽此欽遵相應移咨為此合咨前去煩為

查照本部

題奉

旨內事轉行五經博士并各族人於十四日齋戒

一日併知會五經博士曾貞豫一體照例行

禮可也為此合咨前去煩為查照施行須至

咨者

右 咨

衍 聖 公

康熙八年四月初十日

襲封衍聖公府為請

旨事本年二月十六日准

禮部咨前事內開儀制清吏司案呈奉本部

送禮科抄出該本部題前事等因康熙八年

正月二十八日

題二月初一日奉

旨依議欽此欽遵抄出到部送司奉此相應移咨

案呈到部擬合就行爲此合咨前去煩爲查  
本部

題奉

旨內事理仍選取老成族人五人作速馳驛前來  
至期陪祀施行等因又准行人司移同前事  
移稱本司于康熙八年二月初九日接到  
禮部劄付本官遵照本部

題奉

旨內事理馳驛前去山東兗州府欽取衍聖公孔  
及五經博士孔顏曾孟仲併孔氏族人五人

孔顏曾孟仲族人各二人作速馳驛前來勿  
得遲延等因本司於本月二十八日到境將

禮部

題奉

旨內事理移知欽此欽遵除本爵選取學行兼優  
老成族人五名外隨劄行孔顏曾孟仲五經  
博士各舉各族學行兼優族人各二名申送  
前來本爵率領依期進京但本爵及五經博  
士曾貞豫俱見丁父憂業具咨請

明示續奉

貴部議覆本爵相應仍隨

皇上行禮等因奉有

俞旨欽此欽遵今將欽取陪祀本爵並五經博士

及各選取老成族人姓名年貌擬合開送為

此合咨

貴部煩為知會施行須至咨者

計開

襲封衍聖公孔毓圻

族人生員五名

孔興詢年二十歲身中面赤無鬚

孔尚喆年四十二歲身中面赤微鬚

孔興謨年二十九歲身中面赤無鬚

孔尚鎔年二十四歲身中面白微鬚

孔毓琮年二十一歲身長面麻無鬚

五經博士孔毓瑛

族人生員二名

孔興璟年三十六歲身中面麻微鬚

孔興範年三十一歲身中面赤微鬚

五經博士顏懋衡

族人生員二名

顏紹徽年三十六歲身中面赤微鬚

顏伯珣年三十歲身中面白麻微鬚

五經博士曾貞豫

族人生員二名

曾聞聰年三十三歲身中面白微鬚

曾聞進年二十五歲身中面白微鬚

五經博士孟貞仁

族人生員二名

孟印蘭年三十歲身中面白微鬚

孟貞先年二十八歲身中面白微鬚

五經博士仲于陞

族人生員二名

仲承烈年三十歲身中面赤無鬚

仲纘緒年二十九歲身中面赤無鬚

右 咨

禮 部

康熙八年四月

初十日

幸學次日謝恩表

孔子六十七代孫襲封衍聖公 臣孔毓圻等康

熙八年四月十五日恭遇

聖駕臨雍釋奠先師召臣等四氏子孫赴

京觀禮

恩賚備至謹奉

表稱

謝者臣等誠惶誠恐稽首頓首上言伏以

盛朝有道特隆祀

聖之文

至德無方丕紹尊經之化式輝煌乎俎豆動觀

聽于闕橋自古攸崇于

今爲烈茲蓋恭遇

皇帝陛下

出震撫圖

向離正位

遠承謨典克符祖述之心傳

近接誥疇允闢憲章之道法茲當

秉錄乘乾之始筆舉

臨雍釋奠之儀黍稷惟馨羨墻是踞繹書而達

政事斯握出政之原講易以見天心迺矚敬

天之要萬世之彞倫攸叙一時之禮樂維新臣等

感被



國恩慎循祖訓敢忘循墻俯俛慶逢陪祀光榮  
伏願

教學典勤聖不自聖而愈聖

徽猷日懋安益求安而永安丕顯丕承九有清  
而金甌鞏固十年卜世萬邦協而玉燭長調  
矣臣等無任瞻

天仰

聖激切屏營之至謹奉

表稱

謝以

間

康熙八年四月十六日

禮部

題爲頒筵宴事該臣等查得順治九年

臨雍之禮賞賜衍聖公蟒緞朝服一領貂鼠帽一

頂滿漢祭酒司業各廂領袖袍一領五經博

士孔氏等族人助教等官每人各緞袍一領

監生每名銀一兩典史每名銀肆錢共衍聖

公及執事內院禮部大常寺光祿寺鴻臚寺

皇太子監等官筵宴一次在案今恭遇

皇上臨雍之禮衍聖公等筵宴之處照九年例賞  
賜俟

命下之日行令各該衙門預備可也奉

旨此時豈可戴貂帽著給得勒蘇涼帽餘依議

康熙八年四月十五日卯時

皇上幸學於本月二十六日

賜宴于禮部大堂

命內大臣輔國公班布爾善內三院大學士魏

裔介對哈納杜立德圖海李肅并六部尚書

左右侍郎九卿科道都察院等官陪筵日俱

穿朝服赴宴

聖公轎進儀門裡下轎禮部迎接露臺一同

拜

闕鴻臚寺鳴贊贊畢登堂依次相揖次博士見一

揖主席居左客席居右宴畢散席仍于露臺

上叩

闕謝

恩畢陪宴官送至儀門

孔子六十七代孫襲封衍聖公臣孔毓圻謹

奏爲循例額

恩送監以弘造就以光曠典事本年四月十五日

日恭遇

聖駕首幸太學遵照順治九年事例遣官行取臣

毓圻偕孔顏曾孟仲各博士臣孔毓瑛等及

族人廩膳生員孔興詢等入

京陪祀臣查舊例族人生員陪祀者俱准送監

讀書今我

皇上臨雍御講典禮維新臣等族人既蒙

欽召陪祀鱗集成均伏乞

皇上特錫恩造俯將臣等族人廩膳生員孔興詢

等

勅部查照舊例准與送監讀書聖恩實苗裔均

天賦優崇曠典于無極矣臣不勝激切待

命之至為此具本親齋謹具奏

聞

康熙八年五月二十九日奉

旨諫部察例議奏

孔子六十七代孫襲封衍聖公臣孔毓圻謹

奏為觀禮幸被殊榮邀

恩原有成例懇乞

勅部酌議以優聖裔以光曠典事竊惟

臨雍御講禮樂輝煌昭一代崇儒重道之風正聖

裔咸蒙

國恩之日惟我

朝之曠典較今古而尤隆茲者恭遇

皇上躬親幸學聿光

聖教臣以趨陪之未得覲

天顏曷勝感戴伏念向來遇茲

盛典凡聖賢後裔得與陪祀者咸沾

恩今臣等族人如復聖裔見任內國史院中書舍

人加一級顏光敏至聖裔原任寧國府知府

因公降一級候選運同孔貞來四氏學學錄

孔貞燦候選縣丞孔尚義廩例監生孔胤璐

俱已欽遵

俞旨隨臣等行禮觀光是誠我

皇上加意聖賢之苗裔獨優而臣等生平之榮遇

也臣查闕里誌開載有中書舍人孔聞詩曾

以陪祀戒俸考授吏科給事中行人司行人

孔聞籍亦以陪祀戒俸考授吏部主事學錄

孔弘顯陪祀擢授國子監學正監生觀禮者

有孔應得魯賜出身優擢至我  
世祖章皇帝幸學刑部員外郎孔胤樾魯以觀禮  
優調禮部今臣等族人顏光敏等或見任職  
官或見候補選或見係廬監查與往例相符  
伏乞

皇上勅部酌議照例加息則聖賢苗裔咸沐  
國榮而

朝廷右文之盛典益光千古矣臣不勝激切待  
命之至爲此具本親齎謹具奏  
聞

康熙八年五月二十九

日奉

旨諫部察例議奏

禮部爲循例額

恩送監以弘造就以光曠典事儀制清吏司案呈  
奉本部送禮科抄出諫本部

題覆襲封衍聖公孔毓圻

題前事等因康熙八年五月二十九日

奏六月初三日奉

旨諫部察例議奏欽此欽遵于六月初四日到部  
諫臣等議得襲封衍聖公孔毓圻疏稱臣查

舊例族人生員陪祀者俱准送監讀書今我  
皇上臨雍御講典禮維新臣等族人既蒙  
欽召陪祀伏乞俯將臣等族人廩膳生員孔興詢  
等

勅部查照舊例准與送監讀書等語查順治九年  
十月內臣部

題覆襲封衍聖公孔興燮為

臨雍創舉典禮維新等事一疏內稱

臨雍盛典凡孔氏族人生員孔尚燃等十五名應

送監讀書等因具

題奉

聖旨是依議行欽遵在案今衍聖公孔毓圻將族  
人孔興詢等奏請援例送監等因與例相符  
相應將衍聖公等族人生員孔興詢孔尚喆  
孔興謨孔尚鎔孔毓珪孔興燮孔興範顏紹  
徽顏伯珣曾聞迪曾聞進孟胤蘭孟貞琬仲  
承烈仲續緒照順治九年例送監讀書可也  
等因康熙八年六月十三日

題本月十五日奉

旨依議欽此欽遵抄出到部送司奉此相應移咨

案呈到部擬合就行爲此合咨前去煩爲查  
照本部

題奉

旨內事理欽遵施行須至咨者

右

咨

衍 聖 公

康熙八年六月 二十一日

吏部

題爲觀禮幸 被殊榮邀

恩原有成例懇乞

勅部酌議以優聖裔以光曠典事吏科抄出孔子

六十七代孫襲封衍聖公孔毓圻

題前事奉

旨該部察例議奏欽此該臣等議得衍聖公孔毓

圻疏稱恭遇

皇上幸學聿光聖教凡聖賢後裔得與陪祀者咸

得沾恩我

世祖章皇帝幸學刑部員外郎孔胤樾曾以觀禮

優調禮部今臣等候人顏光敏等查與往例

相符乞

勅部議照例加恩等語查順治九年

世祖章皇帝幸學有陪祀見在刑部員外郎孔胤

樾刑部主事孔自洙已經臣部覆准調禮兵

二部在案彼時俱係論衙門挨次陞轉已經

將孔胤樾孔自洙陞調禮兵二部見行事例

各部院衙門官員俱係一同較俸陞轉今

皇上幸學大典其聖裔陪祀各官既經衍聖公孔

毓圻

題請前來相應將內國史院中書舍人顏光敏

遇應陞主事同知缺先用候補運同孔貞來

應遇運同缺出先用四氏學學錄孔貞燦原

無陞補別缺今應加一級候選縣丞孔尚義

遇縣丞缺出先用監生孔胤璐監送到部之

日考職後照考定職銜應選之缺先用可也

奉

旨依議



禮部志 卷之三十三 三十三

奉

禮部志 卷之三十三 三十三

皇上幸學儀註

禮部謹

題康熙八年四月十五日

皇上在

孔子廟行禮講書禮儀

皇上十四日在宮齋戒一日和碩親王以下多羅

貝勒等以上在部院衙門滿洲蒙古漢軍侍

郎等官以上及武官都統精奇尼哈番以上

漢文官三品以上武官二品以上及內院翰

林官七品以上各在家齋戒一日工部十四

日將

皇上御幄設于

文廟大成門東傍南向設立

皇上御椅一張彝倫堂內正中設黃御幄設

皇上御椅鴻臚寺官設經書黃案一張于堂內傍

設講書案二張于堂內兩傍相向安設國子

監祭酒將所講經書十五日設于桌上是日

早和碩親王以下公等以上穿朝服于

午門內齊集滿洲蒙古漢軍漢文武齋戒各官

先赴

文廟丹墀下兩儀門前立其不赴祀王等以

下文武各官俱穿朝服在

午門外齊集畢禮部官

奏請

皇上出

皇上具禮服陞輦各樣鹵簿大駕全設出時

午門鳴鐘齋戒王等以下公等以下在內金水

橋兩傍排立候過隨行去在

午門外齊集衆皆跪候

駕過

皇上至

文廟東成賢街國子監滿漢祭酒司業率諸監生等于成賢街左邊跪候過

皇上至櫺星門在門外降輦由中門至大成門入

御幄少息由大成門中入進時先入排班官員

立候

駕過

皇上陞中階進設

孔夫子位殿內正中立王貝勒等入兩傍門陞

東西階殿外臺上排立各官在臺下排立引

禮官引

皇上行二次跪六次叩頭諸王貝勒等併陪祭的

官釋奠行禮的各官亦二次跪六次叩頭作

樂供帛跪在

皇上右傍獻帛

皇上接立堊上鞠遙與供官供官跪接起供于位

前畢供酒官在

皇上右傍跪獻酒

皇上接立堊上鞠亦遙與供官供官跪接起獻于

位前畢送

神

皇上行二次跪六次叩頭各官俱二次跪六次叩頭畢

駕出進幄少歇坐諸王貝勒出大成門外候

皇上詣講書彝倫堂釋奠行禮的各官衍聖公五經博士祭酒司業教官監生先赴太學門內階下兩傍排立排整畢禮部官

奏請

詣講書彝倫堂

皇上換其常服在櫺星門外升輦來時王貝勒等

後隨至彝倫堂太學門將入兩傍排班文武各官衍聖公祭酒司業學官諸監生俱跪候送過

皇上陞彝倫堂一陞座諸王貝勒等在堂內各官在堂外臺下兩傍排立聽鴻臚寺贊禮官贊衍聖公祭酒司業學官五經博士五氏子孫及諸監生在臺下三跪九叩頭立

皇上諭坐諸王等叩頭坐文武各官都統大學士尚書精奇尼哈番以上及衍聖公俱分翼入彝倫堂叩頭坐侍郎等官在彝倫堂外臺上

叩頭坐祭酒司業官監生仍于原處立鴻臚  
寺鳴贊贊講經滿漢祭酒從東邊門入滿漢  
司業從西邊門入俱北向立鳴贊贊起案執  
事官將東傍經書案擡至正中黃幄門前安  
置

皇上諭講書官坐滿漢祭酒在東邊案前滿漢司  
業在西邊案前各就案叩頭坐滿漢祭酒講  
易經滿漢司業講書經四品以下內院官執  
事官五經博士李官諸監生俱在行禮處排  
立聽講聽講畢鳴贊贊起案執事官二員率

經案于原處安坐且祭酒司業俱出于原班排  
立處立禮部一官入于彝倫堂內東傍西向  
跪

奏請傳

旨鳴贊贊跪祭酒司業學官率諸監生跪禮部一  
官在中外簷下東傍西向立宣

俞旨宣畢聽鳴贊贊祭酒司業諸監生就跪三次  
叩頭二次跪六次叩頭贊退出兩傍門成賢  
街在西大路排立

皇上飲茶賜諸王等以下各官俱飲茶畢禮部官

皇... 跪

奏禮畢

皇上陞輦出國子監門來時作樂在成賢街大路

命... 排立的祭酒司業... 諸監生跪候

駕過其不赴陪祭各官仍在... 宣

午門外跪候

駕過諸王貝勒等隨至候

皇上還宮衆皆退

次日進

表禮

禮部謹

題

皇上幸

孔子廟行禮講書是日早鹵簿大駕全設衍聖

公祭酒奏

表照常置于黃案上和碩親王以下輔國公以

上穿朝服于常朝處齊集民公侯伯以下滿

洲蒙古漢軍有頂帶官以上各監生等俱穿

朝服于常朝處齊集禮部官

奏

皇上具禮服出宮陞

武英殿坐位內大臣下內院禮部都察院鴻臚寺  
官先不贊行三跪九叩頭禮續聽鳴贊贊和  
碩親王以下文武各官行三跪九叩頭禮叩  
頭畢王等以下公等以上各歸原班立衆官  
亦歸旗下處立續聽鳴贊贊行聖公祭酒司  
業李官五經博士五氏子孫諸監生等俱排  
班跪鳴贊贊奏

表宣表官將衍聖公奏

表從案捧于

殿簷下門外東邊西向跪宣續宣祭酒奏

表宣畢鳴贊贊叩頭衍聖公祭酒司業學官五  
經博士五氏子孫諸監生等跪三叩頭再聽  
鳴贊贊二次跪行六次叩頭禮王等以下衆  
皆各照坐處坐飲茶畢

皇上還宮衆皆退

欽頒下程

羊一隻

鷺二隻

白蠟燭三十枝

酒一罈

麥麪四十斤

油鹽醬茶各二斤

欽頒祭胙祭菓

皇上釋奠畢本日國子監監丞奉

命送

牛一隻 鹿一隻 供菓二擔

禮部堂上

賜宴二次

關里誌卷之二十三

表章

漢孔融薦禰衡表臣聞洪水橫流帝思俾乂旁

求四方以招賢俊昔世宗繼統將弘祖葉疇咨

熙載群士嚮臻陛下睿聖纂承基緒遭遇厄運

勞謙日灰惟岳降神異人間出竊見處士平原

禰衡年二十四字正平淑質貞亮英才卓犖初

涉藝文升堂覩與目所一見輒誦於口耳所暨

聞不忘於心性與道合思若有神弘羊潛計安

世默識以衡唯之誠不足惟忠果正直志懷霜



雪見善若驚疾惡若讐任座抗行史魚厲節殆  
無以過也鷲鳥累百不如一鷄使衡立朝必有  
可觀飛辯騁辭溢氣空涌解疑釋結臨敵有餘  
昔賈誼求試屬國詭繫單于終軍欲以長纒牽  
致勁越弱冠慷慨前世美之近日路粹嚴象亦  
用異才擢拜臺郎衡宜與爲比如得龍躍天衢  
振翼雲漢揚聲紫微垂光虹霓足以昭近署之  
多士增四門之穆穆鈞天廣樂必有奇麗之觀  
帝室皇居必畜非常之寶若衡等輩不可多得  
激楚陽阿至妙之容掌技者之所貪飛兔騶虞  
絕足奔放良樂之所急也臣等區區敢不以聞  
陛下篤慎取士必須劾試乞令衡以褐衣召見  
如無可觀采臣等受面欺之罪

唐太子弘請脩廟表

臣聞周師東邁商閭延降軼之榮漢蹕西旋夷  
門致抱關之想况泣麟曾躅歌鳳遙芬被縉禮  
于昌辰飾窮榮于窮壤者伏惟皇帝陛下資靈  
統極稟粹登樞乃聖乃神體陰陽而不宰無爲  
無事均雨露之莫私六符薦而泰階平百寶臻  
而天祚永靈臺所以偃伯延問繇其增絢尚齒

尊賢邁鴻名于萬古興二繼絕騰峻軌於千齡  
大矣哉茂實英聲固無得而稱矣日者封金岱  
畎會王梁陰路指斤川途經闕里迴鑾駐驛式  
監唐禹之姿闢纘凝旒戴想溫良之德於是特  
紆宸渙贈以太師爰命重臣申其奠醑廟堂畢  
陋重遣修營褒聖侯德倫子孫咸蠲賦役臣恩  
均扈從迹濫撫軍舊烈遺塵躬陪瞻眺雲壇相  
圃欣覲前聞又昔歲承恩齒胄膠塾歷觀軒屏  
具列門徒想仁孝於顏魯彌深景慕採風猷於  
竹帛冀啟顓蒙所以敢輕陳聞庶加褒贈天慈

下濟無隔異時咸登師保式光泉夜敢以前恩  
重茲于請臣竊謂宣尼之廟重闡規模桂奠蘭  
羞永傳終古崇班峻禮式賁幽堦而翠琰莫題  
言馥靡暢訪諸故實有所未周且將聖自天惟  
幾應物極人倫于已墜甄禮樂於既傾祖述勳  
華三千勵其鑽仰憲章文武億兆遵其藏用豈  
可使汾川遺碣獨擅于無慙峴岫餘文孤標於  
墮淚伏見前件孔廟營構畢功峻業增輝事資  
刊勒敢希鴻澤令樹一碑但遼海清夷兵無致  
發山東豐稔時踰常歲况鄒魯舊邦儒教所起

刊勒之費未足爲多許其子來不日便就乞特  
矜照遂此愚誠臣識昧常規言慙通理塵瀆聽  
覽追增竦戰奉

勅旨依

請

辨正孔瀆表

臣妾任氏聞菽自菽麥自麥雖后稷之聖不能  
化穗以成芒渭自渭涇自涇雖大禹之神不能  
變清而爲濁蓋天理有不移之義豈聖門容異  
姓之人伏念臣妾之子孔瀆乃五十一代襲封

衍聖公孔元措之耳孫五十二代襲封衍聖公

孔之固之冢嗣生長從于稚齒提挈至于成人

有美維髯遺印在耳雖云庶出實係長房爲經

版蕩以來遂失過庭之訓以致宗族興議詞訟

無休吾道於是乎不光祀事以之而大缺所心

殞裂泣涕無從但以名隸寡妻身當圯族抱閭

門之戚戚望天闕之悠悠所積瀰漫何繇控懇

必遇清明之世能平精衛之冤茲者伏遇上天

眷命

皇帝陛下龍飛九五運應一千始爲儒教大宗師

今作中原

聖天子乾坤浩蕩一新汙俗之餘日月煌煌照被  
覆盆之下無淹不振有廢皆興顧惟孔氏之家  
實係生民之望千七百歲厥聞愈彰五十三傳  
其直如矢自相沿于百代曾莫紊于一朝至于  
賢與不賢在人品高低之不一嫡復仍嫡見天  
心付與之分明方當

朝廷甫定之秋適屬七論向公之日伏惟陛下俯  
垂昭鑒大廓聖源因之以禮義之方加之以師  
傳之職有教固無類也是覽然後用之上可以

止皇朝繼絕之良規下可以導聖祀無窮之正  
派雖文昭武穆不幸有幽厲之衰柰丹朱商均  
未害爲堯舜之後自惟螻蟻輒犯雷霆臣妾不  
勝惶懼戰慄之極匍匐待死闕下泣血奉表以  
聞

明衍聖公謝賜三臺銀印玉帶表

孔子五十九代孫襲封衍聖公臣彥縉景泰二年  
欽蒙

皇上賜三臺銀印玉帶衣織金麒麟文視一品者  
臣彥縉稽首頓首上言伏以

建中立極本治教于六經沂沅求源特推恩于  
宗子天心鑒悅寒族增光

皇帝陛下聰明睿智文武聖神祖述唐虞道已隆  
于天下憲章周化心猶厯於魯東太學爲昭代  
之賢關旣承臨幸大宗爲素王之嫡長特見褒  
崇範白金而印綬三臺琢美玉而腰圍一帶盛  
以丹漆之亟束以雲章之服服以拜賜而延陞  
光輝藏以傳家而子孫慶幸賜鞶鞶而先之以  
烏紗錫酒牢而加之以白粢恩施溥博俾同宅  
俊之賢禮待優隆不比草茅之賤是皆因本而  
厚末肆獨念祖以及孫符雨露之沾濡同乾坤  
之覆載自三代以來未有盛于

今日者也臣縉質本凡庸忝繼先師之緒學無  
裨益濫承顯爵之封象賢深愧于前人崇德欣  
逢于盛世頌揚莫旣感激惟深伏願國有學黨  
有庠術有序益隆  
聖道於無窮車同軌書同文行同倫永固  
皇圖于悠久臣無任瞻

天仰

聖激切屏營之至謹奉

表稱

謝以

聞

衍聖公襲封謝表

孔子六十一代孫襲封衍聖公臣弘泰欽蒙

皇上下德以臣兄弘緒休致命臣襲封衍聖公臣

誠懼誠忭稽首頓首謹上

表稱

謝者伏以

上聖膺圖道有宗而民會極斯文在世水行地而

日當天顧惟墜緒之弗與允前

宸慈之軫錄光榮有自祇懼弗勝恭惟

皇帝陛下德邁禹湯治隆文武每靡宵而勤政恒

寤寐以求賢謂孔子之教根本於三綱循帝王

之規日親乎經史近而形諸

禁掖

宮闈睦孝養隆遠而肩于海隅群生遂萬物育

有其功繇為其事用其術恩顯其下爰率

祖宗之舊章載賜

賜襲封之盛典伏念臣弘泰辱焉竄跡最爾愚庸

闕里宗門幸託尼山而衍麋簪纓世業叨崇  
昭代以增崇雖因不腆自懼于刑辜遣彼  
鴻恩波及于後裔臣敢不慎威儀敬言  
動尚圖蓋  
乎前愆披肝膽竭忠誠期仰答乎  
洪造河清海晏祝

聖壽於萬年禮序樂和廟文明於四表正無任瞻  
天仰

聖激切屏營之至謹奉  
表稱

謝以

加樂舞籩豆謝表

孔子六十一代孫襲封衍聖公臣弘泰伏蒙

皇上遣翰林院學士王獻誥闕里昭告

先師孔子增加樂舞籩豆之數臣嗣守宗祊恭逢

盛事不勝踴躍歡戴之至謹率族人率

表稱

謝者臣等誠惶誠恐稽首頓首上言 伏以

皇朝稽古右文隆海宇升平之治

聖主尊師重道增廟庭祀享之儀

詔旨潘傳儒林欣怵蓋茲伏遇

皇帝陛下欽明文思

齋聖廣淵日

御經筵妙契乎易書詩禮春秋之奧

天付神器遠宗乎堯舜禹湯文武之傳

治已臻而猶若未臻

道已至而猶若未至緬想先師之功烈

詔同饗帝之儀文

綸音渙發于

彤庭告先文廟香幣遠頒于闕里輝映魯林濯

濯太牢

尊禮實符于漢祖煌煌

御製褒揚遠過于唐宗服袞冕而用官縣夫子容

儀如在加籩豆而增侑舞

聖廟禮樂維新玉振金聲儼冠裳之肅肅神歡人

悅降福祿之穰穰亘古莫加於今爲盛臣弘秦

叨承

明命主祀廟庭仰瞻

天使之貴臨光延遺胤恭率族人而趨

謝端拜



嚴宸伏願

光緒厥中益究帝王之學協于克一聿臻理道之  
純得

天命得人心表四方而建極如岡阜如山阜祝

萬壽以齊

天臣無任瞻

天仰

聖激切屏營之至謹奉

表稱

聞

幸學謝表

孔子六十一代孫襲封衍聖公臣弘泰等弘治

元年二月初九日恭遇

聖駕親臨太學躬祀先師召臣等三氏子孫陪祀

恩賚有加謹奉

表稱

謝臣誠歡誠忭稽首頓首上言伏以

聖人御極首視學以廣化於四方

大體隆儒遠推恩以下逮於百世弘至治以六

經之道舉盛世於三代之隆

九重之恩禮有加三氏之子孫何幸茲蓋伏遇

皇帝陛下精一

學游緝熙肅至孝于

兩宮協

重華於

列聖

御明堂而布政萬事維新

一坐宣室以受釐百神受職謂致治有本原莫先

乎道而求道有樞要必用乎經攸舉辟雍之

用廣作人之効以

天子而師陪臣之道德屈

萬乘以賁數仞之宮墻玉項黃流乃裸乃獻皮弁

素積載舞載揚金奏鏗如宣宮商角徵羽之節

奏王顏粹若親溫良恭儉讓之德容禮官絢纒

采以展儀祭酒瞻

冕旒而進講大臣陪

黼座佩玉鏘鏘諸生環橋門冠衿濟濟述百王

禮樂之盛典培萬世綱常之不基俎豆生光籍

紳增氣駢蕃

寵命錫章服以衣被諸儒諄復

訓詞降絲綸以獎勵多士按古禮以載施於今  
世報前功而不忘其後昆光被魯鄒澤流洙泗  
臣等叨承世業仰荷

國恩愧乏象賢之資濫受罔功之賞爰居止魯享  
厚味也可慚鴛鴦在梁被美服兮不稱肩榮爲  
幸報賜何階伏願

惟天惟

祖宗永保

皇明之祚有民有社稷常爲儒教之宗奎壁輝煌

乾坤清泰臣無任

天仰

聖儆切屏營之至謹奉

表稱

謝以

聞

衍聖公襲封謝表

孔子六十二代孫襲封衍聖公臣聞韶引治十

六年九月初六日欽奉

恩命襲封衍聖公爲臣聞帝誠惶誠恐稽首頓首

上言伏以道崇先覺褒揚每荷於

明廷禮正大宗封爵竟歸于世胄仰值右文之盛

俯慚接武之難負重奚堪臨深莫喻茲蓋伏遇

皇帝陛下

天衷純粹

聖學淵微紹惟精惟一之心傳守不愆不忘之古

訓隆師重傳窮六經制作之原崇德象賢具百

代彛章之美粵自前漢肇牲牢之祀後周極茅

土之封逮及

本朝益增舊典銀章玉帶班超一品之階左羽右

千祭備八佾之舞以至分田賜第建學設官朝

則豐館餼之儀代則謹承傳之序弟兄繼

命事同宋世之蒙虛父子

恩光徧魯山之橋梓

會之辰臣聞韶樂

行禮樂非曰能之竭忠

伏冀

皇風雍穆至治馨香岱視

嵩呼

萬歲年年拱北以來朝臣無任瞻

天仰

聖激切屏營之至謹奉

表稱

謝以

聞

重慶廟成謝表

公臣孔聞韶弘治十七年正月修建

祖廟落成謝表

御製碑文遣官祭告者臣聞韶誠惶誠恐稽首頓首上言伏以禮必積百年而後興事有曠百世

而始見是蓋政關治體好本民彝凡在斯文式

均慶戴若乃餘波騰澤沾被子孫其視恒情何

啻百倍竊惟闕里祖廟肇自前朝

列聖以來累加修葺比歲鬱攸示戒煨燼無遺

伏遇

皇帝陛下

天啟

聖衷道符先揆願宮墻之舊地實海宇之具瞻爰  
勅有司重加修建集四方之公帑閱五載之程期  
材幹堅良工製精密廟貌嚴整輪奐偉然既不

替于前規復恢張於新制足以妥靈昭祐崇德  
報功極天下之大觀亘古今而不再者也又有  
奎章睿藻降自重霄石刻金書垂之萬代出容臺  
之香幣備郡邑之粢犧特

遣重臣遠稱殷禮衣冠畢集宅里增輝臣聞韶  
甫襲官封方嬰服制念

君命重於家事而祖廟尊於父喪易服以迎拜  
天顏而敢後趨

朝而謝率族姓以偕行伏願

聖學緝熙儒風丕振家詩書而戶禮樂益弘世道

之光天日月而地山川永賁人念天之化徒深視

頌身罄名言臣無任瞻

天仰

聖激切屏營之至謹奉

表稱

謝以

聞

視學謝表

襲封衍聖公臣孔聞韶等正德元年三月初四

日恭遇

聖駕親臨太學釋奠先師

欽取臣等三氏子孫赴

京觀禮

恩榮備至儒道增光謹上

表稱

謝者臣等誠懼誠忭稽首頓首

上言伏以庠序明倫教必先于太學廟庭釋奠禮

必重于

先師乃一代之宏模誠百王獻典懽同率土榮

臣私門茲蓋伏遇

皇帝陛下

堯革煥發

舜哲重華精一承心法之傳

謨烈謹憲章之守

青宮預

教盡刪述之精微

皇極尊居建中和之制作

知治必本道非聖莫明

講政乃在人跡學而出眷斯文之有自急當務

之爲先爰於

君正之元肆講

臨雍之禮

法輿夙駕

遙聞

顯若有孚聳園橋之觀仰

恭維不顯昭百辟之儀刑

光被宮墻春回俎豆懸音上徹鬯氣潛通物以

簡爲誠但取粢蔬之修絜禮用和爲貴式瞻

登降之從容

隆師屈

展拜之尊

重道伸坐講之敬書闡唐虞之奧旨易敷造化

之鴻功

天位高而聽則卑

王心一而言乃大萬物快雲從之觀四方同風

動之休臣等遠托雲仍邇瞻

日表駿奔敢後周旋以有事爲榮象德從先夙

夜惟無忝是懼幸冒

帡幪之末廕敢忘犬馬之微忱伏願

五典弘敷寰宇盡可封之俗萬年引考



邦家永不拔之基臣等無任瞻

天仰

聖激切屏營之至謹奉

表稱

謝以

聞

嘉靖三十五年衍聖公尚賢襲封謝表伏以道

重真儒懋錫表章之典賞延奕世載叨綸綍

之榮殊恩光被于私門崇報幸隆於曠代簪紳

共慶俎豆生輝茲蓋伏遇

皇帝陛下天縱聖神紹百王而撫運日新玄德綏

五福以康民闡洙泗之微言箴垂敬一懋唐虞

之盛治極建中和追六經刪述之功隆萬世師

崇之典憲章祖述念臣祖以何禪崇德象賢荷

聖恩之薦及丹書焜耀竊懋續服之能亦組清

華深抱循墻之懼臣敢不勉承祖武用副

國恩學禮學詩祇服趨庭之訓惟忠惟孝永輸報

主之忱伏願戢穀延禧緝熙凝命得其名得其壽

萬年覃文教以申麻作之君作之師四海海寵

綏而篤祐俱有謝表文不脩錄

萬曆四年

神宗皇帝幸學釋奠先師之祭於文廟四萬武廟  
欽取三氏子孫陪祀觀禮衍聖公尚賢等謝表

伏以

聖人作而物覩萬方荷德教之敷師禮崇而道尊  
千載廣文明之會盛典式彰乎  
帝治洪恩普逮于儒宗觀  
國有光承家何幸恭  
惟

皇帝陛下神聖當天聰明首物咨師臣而闡德涵  
百王道法之精御講惟以橫經總六籍圖書之

秘功兼述作  
沿邁古今茲當風清俗美之時益

懋稽古右文之化爰循故典載舉鴻儀  
躬萬

乘以臨雍偉矢壯宮墻之勝儼再拜而釋奠賁

然增俎豆之禋禮既備于尊崇澤復流于苗裔

駿奔而子孫咸在驛  
召而顏孟是偕講易講

書冠帶預橋門之聽  
賜茶賜坐絲綸承黼座

之温振代偉觀一時盛事臣等箕裘粗紹詩禮

未聞荷

列聖之表章絃歌在魯奉

九重之新命裸將于京幸陪入廟之咨詢敢替循

闕里詩 卷之三十三  
一  
墻之俯僂伏願 緝熙聖學丕振儒風作君作  
師篤祐寵綏于萬世同文同軌聲名覃被于八  
荒謹奉

表稱

謝以

聞

謝襲封公爵表

孔子六十五代孫襲封衍聖公臣孔胤植天啟

二年五月二十四日欽奉

思命襲封衍聖公爵臣胤植誠惶誠恐稽首頓首

上言伏以

道尊先覺

朝廷首重乎師傳爵列上公纓組遠垂於世及礪

聞

新命膺

寵自天猥荷

殊恩措躬無地茲蓋伏遇

皇帝陛下

聰明睿智

文武聖神

御講幄以橫經探六籍圖書之蘊  
咨師臣以明德造百王道法之精

治既高邁於唐虞

心復遠承於洙泗源源本本務令世衍以常流

繼繼繩繩遂使

聖真之不墜臣胤植質隣樗櫟學愧箕裘祗附

六十五代之支餘系爲

聖裔謬叨百千萬年之世賞

錫以玄圭揣分吟嘯涯捫心知愧敢不念菑菑堂構

之業克紹定邦風庶幾承詩書禮樂之傳永堅

國幹伏願

學隆離照

慮儆泰隍繹臣祖人存政舉之言常親方策致

大傳子孫黎民之保坐撫太平則作

君與作

師而兼隆

十世與

十年而並永矣臣胤植無任瞻

天仰

聖激切屏營之至謹奉

表稱 只我言之至勤奉

謝以

聞 平而並承天耳淵林無卦銀

天啟五年三月初六日

視學謝表

伏以

仙仗下層霄快觀圓橋之盛照太平限外

鴻恩沾湛露榮生壁水之光奉之旨常懸大業廷

自非

堯舜之重逢何得魯鄒之再振儒紳舞蹈藝苑輝

煌

恭惟

皇帝陛下

英資天縱

妙理淵涵

訪道風塵亟崆峒之遠駕

凝精圖史親承河洛之真傳

經筵盡顏曾思孟之書細帙與彩雲縹緲

日講皆修齊治平之書芸編雜香篆氤氳不徒

帝並駕於

帝驟王馳抑且

留神於賢關聖域謂古今道範久統會於數極  
之宮墻而海宇士風每轉移於

尚方之輦轂當茲

秉籙承乾之始丕舉

臨雍釋奠之儀五色雲中雙鳳夾爐香而飛下  
九重天上六龍護

衣冕以親未黍稷非馨唯是肅將於

明德包茅八貢還期降灌於

重玄百辟駿奔

一人虎步遂使杏壇章布

瞻雲漢之昭回幾

多楓陛冠裳親炙

天顏之咫尺牙籤載啟溯洙泗於語言文字之中

翠幄高臨儼尼山於夢寐蒸墻之際道已存於

目擊多士如撥雲而見天聲自入於心通

聖明似以石而投水臣等學遵過庭詩禮爲慚墻

而召周班踰百寮捧文綺無常補衮章率四姓

對鼎羹有媿調梅伏願

純衷日朗

曠度天空接鷓班鷺序之時多御蛾黛貂璫之

會少

講學親賢之頃以實事不以虛文

用人行政之間以公心不以私意東西南北如

七十子之景從長幼尊卑非一居州之在側

六典傳心宗孔孟

國祚偕道脉同春

一中垂統祖唐虞

天運與人情共泰臣等無任瞻

天仰

聖激切屏營之至謹奉

表稱

謝以

聞

崇禎二年二月

視學謝表

伏以

玉輅蜚來

五位肇臨雍之典

翠華至止

一人修釋奠之儀圜橋之觀聽聿新聖域之儀

型如昨光生棖穉慶溢章縫恭惟

皇帝陛下

德並仁姬

符超英漢

崇儒重道平臺之晉接時勤

典學親賢講幄之蒙求逾切

衍精微於虞陛儼然十六字之真傳

懋緝熙於周庭允矣百千王之懿矩經文林而

曳組凌德岫以披襟謂脩齊治平總不出明新

之訓而東西南北更無如愚服之誠欲轉士風

以回世風須繇

身範而端道範廼緣敬

天法

祖之既舉遂爾宮墻俎豆之時親輝七曜于中

階會見

帝車之指合三靈于太甲適逢華蓋之躔肅肅和

鑾瑞藹遙從僊合駢駟壯卿雲先傍

襄衣浮

明德盛而黍稷惟馨

七鬯虔而羨玄有格



皇躬休豫衆執趨蹌幸大典之告成更彛倫之

親御溯道脉於洙泗淵源統會六經蔓心法於

典墳闡奧冥通百世河呈綠字爰知

帝祚之隆洛獻丹書默啟

聖聰之格臣等素遵庭訓唯聞學禮學詩世沐

國恩聊復亦趨亦步敢率顏曾思孟之喬共沾玄

黃篚篚之

頌恍接跡于夔龍乃觀光于

堯舜伏願

合宮問道

衛室凝神詩界鮮紘念當思乎永譽易稱資始

義尤在于體元每于

萬幾之餘時切十寒之警界後先疏附連泰茅

以同升雖顰咲惟幃必央覓之盡决庶

聖不自聖益占道岸誕登而

新又日新作見黎民於變矣臣等無任激切屏

營之至謹奉

表稱

謝以

聞



勤道勤學

御皇極而威儀天下

坐平臺而日覽萬機

聖慮淵宏恐文未洽而武未戢再舉辟雍之禮

天心厭亂知民自安而物自阜益昭

聖學之光以

天子而師祀陪臣屈

萬乘而賁臨數仞

仙仗飛來若

玉皇之雲朶

卷輿迅發恍金鳳之風騰

素黃旒皮弁乃裸乃獻

聖玉瓚玄裳惟武惟揚禮百捧縑采以展儀祭酒

天瞻望

帝冕而進講大臣陪

黼座振玉珮以鏘鏘諸士環橋門列衣冠而濟

濟臣等恪遵庭訓深慚聞詩聞禮之未嫻仰

蒙

欽召謹矢亦步亦趨之弗當

錫玄黃以在筐圖丹報以無從

恩及四姓微裔喜紀  
一朝盛事伏願  
欽文崇武永綏緝熙之雅化法

祖承

宗亟奏蕩平之偉業奎壁光而  
帝道遐昌乾坤泰而海宇晏安臣等無任瞻

天仰

聖激切屏營之至謹奉  
表稱

謝以

聞

襲爵謝恩本

孔子六十大代孫襲封衍聖公臣孔興燮謹奏  
爲恭謝

天恩事臣於順治五年三月二十九日准吏部咨  
爲境內病故大臣事內開臣父孔胤植病故既  
經山東撫按會報前來相應將臣承襲衍聖公  
封爵管理祀事等因覆奉  
聖旨是欽此欽遵抄出到部移咨到臣准此臣遂  
恭設香案望

關叩頭謝

恩祇遵訖切照臣父孔胤植無祿卽世荷蒙

皇上俯念聖裔准臣襲封公爵臣感激

天恩捐糜無地惟有跼伏闕里仰祝

聖壽於無疆矣臣不勝感戴戰兢之至爲此具本

專差奏差陳裔遠齎捧謹具奏

聞

順治五年四月 日上奉

旨覽卿奏謝知道了該部知道

謝祭葬疏

孔子六十大代孫襲封衍聖公臣孔興燮謹奏

爲恭謝

天恩事竊惟臣父生沐殊榮未克圖報迫身歿之

後復蒙

聖恩

遣官

論祭九壇開壙造葬該臣祇遵於本年四月初一

日歸葬於祖塋訖此誠異數之殊恩普及泉壤

之枯骨詎惟臣父啣結不盡卽臣生生世世感

戴

皇仁於無涯矣爲此具本恭

謝專差奏差陳喬遠齋捧謹具奏

聞  
順治六年六月  
旨覽卿奏謝知道了該部知道

聖謝 勅諭本

孔子六十六代孫襲封衍聖公臣孔興燮謹奏

大爲敬陳

謝悃事臣於本年三月二十八日恭接

勅諭壹道仰臣凜遵

聖諭鈐束族屬臣卽率領闔屬官員及宗族人等

開讀欽遵依外伏念臣一人儒裔荷蒙

勅諭下頒脩極諄切敢不正已率屬遵依

聖訓以仰副

恩綸於萬一耳臣不勝感激戰兢之至理合披瀝

陳

謝爲此具本專差奏差陳喬遠齋捧謹具奏

聞

順治六年六月 日上本月初五日奉

旨覽卿奏謝知道了該部知道

聖祖謝 恩疏

孔子六十七代孫襲封衍聖公孔毓圻謹

奏為恭謝

天恩事 臣叨蒙

勅命守祀祖庭欣逢

皇上躬理萬幾稽古重道

特布綸音

遣光祿寺正卿加一級楊永寧詣闕里致祭

先師孔子於四月十九日 臣欽瞻

天使賁臨躬率所屬官員宗族人等謹設香案郊

外迎接祭竣竊以

恩詔遐頒追崇道統

皇上典禮輝煌軼越千古 躬親

盛舉敢不拜颺

休美益慶昇平謹望

闕叩頭謝

恩伏祈

皇上睿鑒為此具本專差奏差胡應龍賁捧

謝以

聞

諭祭謝 恩疏

孔子六十七代孫襲封衍聖公孔毓圻謹

奏為恭謝

天恩事竊惟臣父襲封衍聖公孔興燮於康熙六

年十一月二十四日病故諛臣援例請卹移

咨禮部具

題奉有

俞旨禮部備行山東布政使司委署糧道運使魏

裔魯於康熙七年七月二十七日至臣家依奉

諭祭行禮臣舉家感戴當即焚香望

闕叩頭謝

恩今於本年九月初三日臣扶父柩前往祖林

開壙安葬訖伏念臣父生受

國恩歿膺

卹典祭葬

特錫帑金殊榮下及泉壤不第臣感頌

皇仁即子孫世世亦啣結于無極矣為此具本恭

謝專差奏差胡應龍賁捧謹具奏

聞

康熙八年九月

日



